

宋趙孟堅葵齋文稿

宋吳錫疇蘭皋集


宋趙必瓌覆瓿集

宋張侃張氏拙軒集

宋張堯同嘉禾百咏



藝齋文編卷一



上習庵陳先生

厥聞忠孝者所出同一源子於所親孝移忠理必然親賢
 亦子訓忠節貴兩全殺身能成仁揚名斯永延是亦孝所
 在豈但知色難嗜其叔世風本未嗟倒懸若曰能養耳食
 美衣華鮮苟求胡弗至側媚諂笑肩彼其良自多喟歎達
 者觀向來歐陽公拓落夷陵年夫人告之公淡泊吾所安
 慎毋為險變守節當弥堅卓哉名母訓紀歷伊誰傳恭惟
 奉常君矢心直似弦立朝幾抗論凜々高回天力甦憤徒
 徒若障狂瀾川人知君守固當識君母賢想其勉礪時諄
 勤誨膝邊怡愉一領解心注靡變遷升而高為天下而沉

為淵但知慈訓在此外浮雲焉茲來從吏隱斷屋新數椽
曲檻花歲蕤虛窓月婵娟雅意寓一賦懦立貪以廉我誦
順親記有淚如迸泉我貧母亦老苒髮已宣家徒空四
壁簞筥笑且便惟虞官箴官勿以温飽牽澤深百川赴火
明斯聚蟬投君以臭味君子毋棄捐

借仲弟持要書不謹護有損為之覆背葺還

昔聞勤讀者三度絕韋編讀書已破書則在肺肝摘實
咀其華發揮事業間伊惟事精妍整束懸牙籤縹囊手未
觸慨是龍泉言虎子畜溪魚汝懵未鑿顛胡策追元方紛
紛探簡編抱書手不龜面壁縛枯禪變化例隨水竟負一
瓶還季也怒生癭我慚家訓顏願無銜怒鳳樓修則完嗟
嗟仁義諫束濕何由痊顛倒幸爾存柿葉風掀糊老飽

九炊紙搗翼擬蟬翻事兼西滑賦好且盥手鑿具在茲
秋露無重妍舊書百回讀訓佩坡老僊請季其斯語慎勿
高閣懸因憐數匱藏徒疥小印存浮雲忽白衣世事無不
然眼底不自快封閉何取焉所貴得之心亦可忘蹄筌又
憐囿大塊華好竟飽鮮一飽羶聚蠅曷與千古傳纖雲飛
回散皎月標中天

贈筆工吳昇

蘭臺上狸毛山谷愛雞距物勝因人成雅製傳自古風流
渡江初筆翰猶朴魯曾窺上方製遺範典型具寸管束萬
穎瞻足飽霜兔豐融沛行墨克實自妍富行間得茂密夫
豈窘尺度澆浮自趨薄羸劣醜畢露清快誇鉤心節括號
釵股纖銘甚錐祗便庸書伍殺鋒出光芒苗枯旱無雨

齷齪癡凍蠅安能劍石怒爾來邈東嘉法則自誰祖宛見
昔製作齊力萬毫努吾欲標諸人云茲明取與斷雕還反
樸淳風招已去春苗異蘆筍廣袖謬織組誰能一羽力回
彼滔注百爾今已然豈但于筆故

題黃岳夏氏曉山亭詩卷

元暉工畫山最識山之趣每言籠朝雲乃是奇絕處君家
結幽亭兩峯正當戶窳堵冠其巔雲中雙筆露宗老為扁
名得自昌黎句相當卷書坐墳麓通吟賦是時神宇泰白
雲未飛去滄然截山腰素練初橫布須臾朝陽升景象幾
更互盤旋宛遊龍披離擘輕絮春漸苒而洋青烟惟一縷
霏微辨崗巒歷落分島嶼露晞如膏沐蒼翠盡還故松針
與篁叢貫穿珠無數應接良不暇詩料亦既富只憂紅塵
生分我淡思慮更須清夜來四更看月吐

詩談

吾嗤彼云士努力事詩妍竟日搜枯賜抽黃對白間爾何
無達觀弱促自縛纏不見淵明陶有詩累百篇要以寫吾
心出語如流泉採菊見南山得句於悠然少陵動感慨忠
義膽所宣有時心境夷亦復輕翩纖白雲閑無心遊
日邊風石激而奇奔迸生雲煙詎以天然態而事斧鑿鑄
陶爾一觴酒警爾心地偏少焉明月上高掛西山巔聽我
曳杖歌金石聲撼天

萬壽寺避暑讀書

梵寺齋殿深屋古洞陰冷火雲自空飛此地暑盡屏乍至
心已清坐久體如水官清務乃簡居易事亦省是為臭味

同玉碎金無礦蕭閒日追隨論辯當修省展書相對讀佳
處擊節猛與阜謂前茲文會無許盛觴詠直寄耳沈酒夫
豈肯過從奚厭密交道久弥敬無令數斯東此語共知警
為倉使吳荆溪先生壽

人祝先生壽勲名而福祿伊惟小門生而迥異斯祝所祝
在斯文其壽非己獨嘗聞侍席言隱括因以復孔孟至皇
朝文與道相屬溯自熙豐後專門始分目歐蘇以文雄周
程理義熟從此判而二流派各異躅偉哉水心葉同軌混
列輻繁雲錦章理義仍炳燭筠窓一傳後人已沾膏馥
正統的屬任非公紹者孰鯁生耳聞此驚詫歎不足因捧
介壽卮譜在歌詩軸願言清節高歲寒等修竹長以文鳴
道聲金而振玉上而軋漢周俯命駑以僕門生嚴楷法剩

將從紀錄

漕使李寶文先生除宣城守

幕客崇酒觴渠餞行舟先生蘸甲飲不使涓滴留持盞
顧謂言汝復能吟不爾不歌吾行而俟吾言求沃爾滿鍾
酒畀爾筆力道扶輿惜醉夢化蝴蝶遊夜分起展燭落
筆萼絲柔請歌先生行真與人不侔前者亦云歸金帛困
載收今惟明月耳舴舨輕浮浮視彼掬飲徒推剝藜怨尤
逮其去國日競欲瓦礫投此乃戀寬恩說著涕泗流國用
既云裕民瘡亦云瘳而今分左符遠從牧三川投鼠戒忌
器矧我無是謀彈鳥或驚鸞盍亦謹厥籌茲馬皆汨汨去
矣從休伊惟小門生莫計攀前輶弥溪桃花水舟行願
悠行有賜還詔佇立螭坳頭

拜范文正公祠

瘦石插半天玲瓏聳蒼翠想從混沌初有此紛破碎斷截
不分離歌危不顛墜乃于其中間穿松石路細頻勞謝屐
行捫撫足幼怪下有泉溶、根來從石背香山絕品題名
得因人貴瘦筇行清秋西風吹我袂躋攀幸未疲俯仰一
歎喟下山拜范祠遺像儼如在胷中萬甲兵曾使西夏畏
巖瞻不移可想鐵肝肺嘻其羣小人風林火空吹于今孰
存亡取捨良亦易但堅自力心歲寒見節槩卓爾彼何人
希之則亦是

詠史贈王侍御

昔有陽城子高卧中條山粵從丹詔聘職諫居朝端北垣
七八年一詞曾靡殫于中常戚、事以秦越看諍臣論一

篇見謂昌黎韓城日洽壺觴視之無汗顏一朝天子誤鼎
鬲庸雄姦皇、朝莖人敢議不敢言城曰茲可矣不言吾
安當廷壞其麻勢若迴狂瀾臣言不可奪臣內所可剗孰
謂雄猜主天聽亦為還一鳴必驚人朝陽之祥鸞一飛必
衝天北溟之鵬搏啾、燕雀輩終歲寒簷間君今踵其武
可想倚任專士習弊滋久未易一七痊遺臭偃月姦殆今
逾百年利欲錮人心深矣莫洗滌幾新更化機仍澁膠柱
弦洗泥何能清救弊應其源昔無起樓地今舉田連阡而
以求善治却行而欲前復有事誕銜奮臂張虛拳驅虎戕
良民藏否已較然膠舟倚航海惻聳憂世肩夷甫在晉朝
舉世無幾先卓哉辯姦論萬世一老泉瞽言再拜獻感情
涕泗漣昔者漢更生危言扶彼顛皎余明寸心不向流俗

宣維君中流柱屹是障百川向來稍詭遇高官懷袖間耿
介甘不售歲寒松柏堅國無君子哉緘默誰復言松江千
頃浪涵月金蜿蜒于茲送君行商歌頻扣舷明當重回首
晚風楊柳邊竚希御史雨迅掃靖幅員

送放生池碑

維書號心畫于以觀厥德堂々太師顏忠義挺不屈怒張
鐵柱立凜若罵蔡賊蠶頭而薑尾屋漏而壁拆豈事筆端
求要自心曾出心源儻匪正馬謖按圖索君侯水玉清一
點塵不入擺脫世緣盡四壁無良物源清流應隨心同寧
異跡前年鎮雪城清風貪者格人言政化明如仕唐大厯
人言八法具儼是浯溪刻卑棲小李椽松茂悅見栢甚欲
事灑掃筆硯供洗滌官身類匏繫唯向清夢覲手搨魯池

碑潢騰寄遠驛既異眾苞苴抑匪徒掛壁舉目見顏公英
氣聳辟易又若小子勤祇莊常侍側

別贈陳新叔弟

神靈造天極仁深祚綿遠光克渡江初屬族扶日輦南來
逾百年瓜瓞載繁衍開江一枝燈海濱發長燄紹興庚辰
第伯祖維創見自此燈々續儒科已累踐姪也幼則孤門
戶中屯蹇執編青於後浪策禮部選有叔行派親隔幕此
異開天都邂逅初覲面苦恨晚為言起家難銖積勤靡倦
相從忽問勞把臂互驚嘆雪城每頻過訪我李曾椽及茲
脫選海幾擬謝深眷三年在奔波面滯顏色覩扁舟此經
從相見笑而莞排日羅酒漿延願禮既腆所欣廷蘭秀一
一莫可棟讀書固有獲而况多積善竇桂未足誇王槐定

應顯願言闡宏規涵肆觀文典士業止科名耕耨工亦淺
曾中洸萬卷落筆自精悍何當它年來大雅見文憲功名
固懸命志毋狹福微言勿謂迂聊作友于勉

乙未春初解漕幕兼職訪秋壑西湖探韻得柳字
浮生恍沅萍聚難別易久經年稀會面感歎兩執手佳賓
稍翕集厯落馬蹄驟競誇槁錦文雄騁翻河口主人金叵
羅頗費黃封酒環坐松下亭海納翕敷受飲酣氣張王聯
題健揮肘山凹日斜射簷額風穿逗恨無秉燭遊以夜繼
斯晝聊追擘韻戲嶮窄互呈闢分攜上木蘭漾漿幾回首
遙追飛蓋歸數徧蘇堤柳

必大弟赴新城簿

乃翁換官班幾鬱青雲志晚以身殉國而得祿及嗣妙年

當撫仕應識珍重此簿領職任輕正合親文史東安吾舊
遊山水清且美編戶雖不稠而亦有文士擇友如擇木所
貴高于已遊觀固有時要在不踰禮飲爵不過三馬向坦
塗履幕府儻由連謹抑如處子切勿事軒昂攻者蠹蝟起
我已慣嘗此說病乃真意第守謙心由天工處置命透
如春回不壓重石底爾祖積善在造物報必侈以我苦澁
詞普告兄與弟莫怪欠誇諛食橄有回味謂余言不信識
者試質以

辛丑孟夏甲申日得雨

物理寓乘除天存好還道去年夏迄秋旱枯苗盡槁繁霜
打麥根瘵饑茲已兆逾春秀蔓修翠搖旌葆黃雲割未
盡赤日仍杲秧針方刺牙還憂水泉少正深傷弓虞曲

成由大造耕雨刈欲晴從來難雨好來年迨既登甘露乃
方到甲申占久雨古語信可考首夏際茲辰其應孚未禱
繁聲喧若注陰雲陣如掃入夜聽簷溜滴瀝響到曉蝗螟
腐翅翼蛙黾喊池沼從茲雨未艾調潤知可保一畝數石
收麥秋切已告千倉而萬箱應占富禾稻匪籍天功然人
力寧爾巧端由政致和天示賢侯報不死見豐年鼓腹歸
醉報飽未椽與農氓熙熙歌皞皞

夜飲歸戲作

夜雪合三更崑崙兵密渡常時喜慨談此夕若親覩杯行
數已長談辯氣掀舉微酣上籃輿迨向歸路出門林盡
白飛雪正零舞苦寒嗟僕夫鼈跛良窘步北風惡打頭滅
燭失四顧平生功名心每作艱危慮小試應危機卻與自

行去脚力幸未衰乘之酒力怒踏雪如踏雲了不見辛苦
尚奚畏泥塗寧卹雙靴汗僕夫莫余追督若肘生羽騫騰
甫登橋健翎已逾兔還歸坐中堂長嘯默不語絲鬢且勿
生未謂余不武夜雪向桑乾立勲期晚暮凜金石心捐
軀事明主

九三月丹

昔人登山得此花園工有九三者忘其姓為接度種今編茗雪號曰九三月

丹

有花血媽紅侈娛大於碗五出猩袍裂萬攢金釘滿數日
色彌鮮不畏風日暖山茶越丹輩馬膝豐土產殊名幾百
種並立色俱報客言名之由其說鄰恠誕昔有樵弁山絕
頂路迷返見此物尤異斷置歸里閨九三索馳流厥藝工
養秦惟以第行稱姓名微考按香泥密封籜接度根暗換

若古姚魏然因從九三喚從茲入西浙移根遍名苑家
尚此花買價不論貫青油障曉日朱檻護雕瓚微物因人
成感此一喟嘆憶昔洛陽花壽安紅為冠要其所從出亦
自薪樵伴伊維花卉流第以色媚眼青三寸松養可凌
霄漢明堂須衆木未易一材辦工師無遐遺材滿巖崖畔

題吳門顏氏敬享亭石記

贈一齋

螺贏祝類我慈烏知反哺伊人矧最靈而不以斯故養維
數羽毛初志亦辛苦懷哉肯堂念寥幾千古君其若而
人悽愴踐霜露欽聞先君子清白守儒素何以遺後人多
文以為富潭詩書府魚禮法度王槐信厚成實桂陰
德著雪玉塵不緇鍾美見垂裕勤修不自閔刻詞流肺腑
應無忝厥紹錫類及噲伍卑飛未仰報有淚滂如雨山高

不礙天水流必東注願言堅此心宜詣聖賢處他石或可
攻庸效南陔賦

題陳山龍祠

白龍生陽山龍生龍母死于何歲斯陳其說從古始豈伊
冥邈中而亦有地利季春旬八日歲雨冥晦龍下大如
柱萬日儼駭視謂龍來朝母人胡不知禮邑人嚴奉供神
宮聯梵寺龍君與龍母居中堂殿位兩廡香火誰分祀及
四子山腰有龍湫泓澄一掬水旱不涸溢甘冽冷牙齒
禱雨乞一滴闔境得沾濟昔年令君來瀝酒方奠啟有物
蜿蜒見舉體金色被巡沿上中幙馴狎了無畏令君端笏
迎入香奩裏誕四子如粟久矣傳神異逮置湫石邊倏
與雷俱逝或示夢畫工畫龍要珠戲或載見蜿蜒躍戲花

壺際神靈及事恠龔碑詳紀記迎享送三辭上軌騷章麗
荔子丹蕉黃羅池未專美余來擊節謂金石歌聲曳邇年
又喧傳其說更譎詭後殿方落成將以奉大士一夕大風
雨巨石暗飛墜高：山頂來直頓殿堂內端然一寶座不
偏亦不倚既無繩墨量誰與安位置不知幾鬼推母迺陰
兵徒是為鬼龍力其說信有以又云虎新過泥沙印遺趾
爬抓大木皮畫：有文理海山斷不連四望惟茅葺又無
穴宅居此物從何至有龍必有虎神驅理或爾不然虎尊
龍墓前來伏跪想當清夜月蹉跎安其尾談玄與訊恠更
僕良未已笑呼金巨羅一把詩腸洗數酌帶微酣長嘯奮
雙袂徑直上山巔惟如履平地海神會我心卷浪雪花沸
中年脚尚健有志聊自喜下山猛捉筆揮掃不停臂素壁

兩三間掀舞龍蛇勢

重賦暨邑池亭

新沐試絺綌涼生神骨清

髮疏遠風和

又重見爽半幅紗巾輕逍遙

池上亭綠陰取次行清和又重見時序無由停叢委簿書
間那得散漫情乍此偷隙閒雲開月暫明故園松菊荒蛛
網罩南榮琴書知好在與宵誰為評

憲使陳習菴先生除司業

連宵對涼月閒吟祖行篇攬挹南卉香入句期清妍追隨
翦吳江送君翔九天豈為兒女情戀：祈恩憐茲惟時多
虞活國資清賢近者少司業繇之入諫垣

古劍詞

古劍三尺長土花上鱗甲幾年閉蟄歲射斗光夜發提携

繞區市鮮復事磨刮嫖姚一拂拭蛟斷犀可截志士寧終
窮行逢達觀達

曲澗

山頭分兩崖知有泉來處曲澗漱琮瑋夜來應驟雨葉嫩
明琉璃藤生絡松樹石脚漲新痕莓苔濕無路玩之空生
白明是春將暮何當門對開小結幽廬住

江灣僧舍水石芭蕉

老耳最怕風雨聲芭蕉葉上聲偏鳴新枝日展翦不替况
見叢、成添丁呼童具鍾斷寒玉蔓圖貴早餘其萌醜疑
烏啄側著附又訝蹲鴟不可羹一笑翻成有料理古盆石
供泉清冷黃梅彌旬雨霖霖苔封沙擁生意成小試抽書
噴撫細鼠牙入水銀鬚生漸離土性安懼瘠淡與水石相

忘形巡除日課長養事莖添葉比紛歌傾炎威不到琉璃
碧水脉透尖珠貫紫萼綠華仙斷火食雲裾曳翠身輕盈
風軒暑簟足蕭爽晴曦更有冬窓明丁寧閉塞謹愛護秋
霜夜氣防憑陵一年一年春風好根株宛在葱籠青崇桃
遮莫金壺貯日暮隨風紅雨零

登普滿塔

海濱荒涼斗絕地古寺宰堵標蒼昊三面黃茅連巨浸突
立嵯峨超不羣可憐前此無管領欄干罩網蛛絲塵相携
暇日足登覽晝長正度南風薰冰盤朱李冷熨齒雪絲細
葛輕襯身飲酣神王氣浩、半空笑語驚行人墨圓新磨
于漆大字題成泣鬼神交酬錯勸互賓主雅論諧談肺腑
真觚稜掛月筵初散歸從傳呼紛若雲英游便可誇盛事

緇流勿訝吾來頻

甲辰歲朝祀筆

四十五番見除夕稍知慚愧此之日少時辛苦習科場惟
恐一官身未得二十七歲方塵忝又閱八年初實歷又閱
十年滿兩任汲皇望通籍况逾百指家累重蔭贍浩
穰憂不給所以中心懷蹢躅每至歲朝常戚前年涉險
趨淮幕去年舉剡甫及格猶自奔波趁班見來往時在
塗陌今年事定已改官分邑不遠近鄉國秋風行可振爪
熟便得怡愉奉慈色所以親邊知自幸笑語團藥竟通夕
雖然丈夫致君澤民事業匪僅此要是此去無限隔但辦
勞心供撫字忠信尚可行蠻貊斷不依阿事嫵媚亦不聚
歛求封殖升而戾天沈而淵一聽天公無固必若綴班行

儘向高爐香夾侍螭坳側刺擬抗論高回天粗有外氏之
遺策或分一壘向邊疆願作長城如李勣霜臺直筆屏姦
回機暮飛毫草文榭更令小試經給手黼黻曾夢江淹筆
不然種花蔣藥老海濱却覓長年當官職

食雪

君不見蘇子卿十有九年留朔廷收菰未乳歸未得吞齏
莫救飢腸鳴又不見陶學士家居三冬足文史玉堂退直
情興生謾把烹茶誇婢子我生徒飽大蒼粟慨懷伊人常
縮慙我才又無揮翰手此豈不願增厚浪游枉自在江湖
幾年見雪一語無只同兒童跳梁喜欲吟自覺腸乾枯朔
風打頭來泊擁篷曉見銀糝糊銀盤收拾和蔗漿銀匙攪
碎紅珊瑚一抄入口清風生再抄乍覺心眼明連抄疾啜

盤已竟飢膚起粟神魂輕食罷拱手謝蒼天小儒不覺食
露盤無補多慾志求僊願言片、皆詩料吐吞造化歸毫
端亦不吟河橋送別凄凉句亦不吟依木胡芦取天怒但
願水稜雪塊在心曾飄、鮮做梅花賦

安吉州小民之頑
此者土偶刊餘之

四梅下作題

祝之以起兇傷守倅斬而絕其姦

君不見昌黎諫佛骨竟莫遂請水火投中丞擊妖蛇此蛇
初不為民尤寧如立斬興妖偶卓哉偉見吾邦侯吁嗟三
輔州尚鬼逾蠶首此輩生身已麗法尚何智慧靈諸幽惟
伊姦凶愚爾俗假憑威毒相仇讎依乘土木幻恠竊取五
味神其謀除兇破偽若一劍較功韓孔茲偽優嗟、願公
寶此劍更煩借截姦臣頭

送朱支食試刑法科

士業讀書讀律恥亦不屑至其有以男兒奮自立耳有
足成功奚擇地誦德科條似流水筆端、可判生死用之
自貴勿輕視贈君飽霜毫錐子萬毫齊力鋒穎銳庭陰未
側可萬字十問俱通策勲易即次風雷星斗位還取儒科
濟世美更贈一言君我記終身行之恕而已

龐蚓圖

一蚓蜿蜒行燥土定是明朝天作雨六龐酣愁初耽乳乍
見異物吠驚觀老龐垂涎傍晚顧此心亦以舐犢故鷄衣
百結多兒女錦屏鴛帳輒獨處

送馬上嬌圖與秋壑監丞

繡鞵金狻玉蹠躩天寶繁奢逾大業華清浴已宴沈香弓

箭才人擁旌節前頭樂部紫雲回催駕顯迎奏三疊阿瞞
駐轡立多時欲上花驄尚嬌色俯頭緹鞚力士徒曾以脫
靴為屑、步、相隨那肯離嘗聞願作連理枝燕安儻及
思艱危那有馬嵬攀訣時漢家山河安四維披香千秋惟
弋綈龍眠畫茲非街竒端與曹高向孟陳元龜

秋壑納室慶席諸友分韻

蘆葦戰風聲颯索細雨吹絲水廉箔暖盤醉客珠履喧聳
鸞筆飛璣唾落詩人大義在切磋曳裾彈缺籍若何正倫
風化理不二御邦即是家之和

採桑曲

桑椹紫來蠶務急帶曉採桑、葉濕屋頭綠暗勃姑啼柱
礎朝、汗流出人家蠶老婦勤苦銀釧忙催隔窻霧方花

古埭哀香絮院靜簾垂明燕語泥炷銷來烟半縷

賣鏡

賣明鏡怕明鏡從來面瘦兩高顴况復星、添鬢影世間
萬事只宜晦明鏡須烟相對鏡明賣却昏不磨從教雙鬢
雪婆、婆

青春能幾何

青春能幾何青春能幾何蒼鬢紺髮看成皤亦有紅顏嫩
于花東風馳道屬誰家可道光陰流電轉草上霜飛峭如
翦心如不知恍重見心語不通惟見面重見面愁轉多歸
來銀燭炯長夜歎息青春能幾何

青春能幾何青春能幾何日烏月兔去如梭膠粘難安枝
上花頗惜相逢殊草、中心有言不復道鵲喜傳訛易顛

倒想得也應生懊惱漫自有千金無方駐臉霞休言洛陽
看花伴經年浪蕩不歸家君不見青春能幾何禽言戲贈

難弟

禽言戲贈難弟

歸歸歸

西浙暮春有禽鳴
連三聲皆叫歸

歸歸歸三月將盡方始啼木林翠密陰成幄花片紅媽酒
蕩飛歸歸汝既勸歸胡不歸來深院日正長煮酒菖
蒲玉屑香醉眠簾牀覺晚涼須臾月色到回廊歸歸真
箇歸來樂未央

篤篤篤

此啄木兒也因
其聲以謂之

篤篤篤日長正午睡初熟誰其扣門訪幽獨見他利喙
枯木枯木中間能有幾小蟲何足飽爾腹盡日勞苦食不
足篤篤篤此聲尚且聒人耳人之多言寧不瀆戒之哉篤

篤篤

彙齋文編卷二

宋 趙孟堅著

庚辰除夕

生計從來拙奚疑壁四空
解憂惟父母謀事等兒童
無競身如偶訛言耳願聾
丈夫心鐵石肯自泣塗窮

辛巳除夕

歲事今其暮而多悵惋
心功名一成否身世幾浮
沉芟甲四牆在根株百蠹
侵白雲飛處遠東望動微
吟

山行晚歸

背日踏寒影歸程路覺長
水流送石響花晚度秋香
前去多林莽新傳有虎狼
行應勿緩掠面已風霜

尤美亭

在昌化
治平寺

雖未及瑯琊看來亦自佳微坳著新月聳翠帶餘霞巨鑿
應靈禹斜拋或女媧亭相對好莫放竹叢遮安佳字
出韻

夜熱

夜熱寢復起獨行池上亭歌荷傾泣露高柳掛疎星秋蟄
已啼草涸魚時唼萍無雲那有雨湛湛一天青

蒙齋

此閔先天地名齋曷扁蒙祇應防太潔未必果冬烘釀臍
重醕酒初陽逗煖風當年郭有道此意與君同

文宣公祠宇新成

旋斲萍蕪地亭臺出水瀕人知便行樂誰識念賢臣淡月
花無影微風浪有鱗飛梁如跨水遊子更來頻

何氏書堂

元正假得晴笠服暫山行遇石松盤蓋懸崖蘭倒生壁間
題字古潭面鑿形清官滿應求此讀書秋月明

鴻禧觀次高橫槎韻

逍遙微物累出處任天真薄宦已陳夢青山猶故人鑑湖
涼不暑荷葉淨無塵往々入圖畫扣舷歌角巾

秦望與蘭亭山々遞送迎蓴鱸方嫩美草木亦欣榮去繼

漢疏傳名肩齊魯生鴻都讀遺事誰不動歸情

和陳魯山社日西湖二首

遠堤千障碧過雨一回新並駕館中傑分題湖上春杯觴
同臭味篇什倍精神招手年時燕遄歸尚及辰

海棠撩客醉故作暈微紅借路山無雨惜花天不風揚鏹
聯勝士琢句策竒功讀罷身何許晴光蕩漾中

江樓遲客

野外遊神迥望中塵物稀天連遠水盡鳥背夕陽飛木葉
初搖落鄉懷動式微興闌不忍去遲子一舸歸

早春牡丹

香泥封籜接頭新幻出花王見早春時節不須寒食候工
夫遠勝洛陽嫩黃蠟葉拳微皺半醉宮妝粉未勻恐怕晚
風須愛護羅幃遮却看頻

安吉州賦牡丹

眼眩繁妍錦一機銅餅分挿遞參差幾于釘坐看如偶却
為輕寒謝較遲僖用奢豪須藉酒形容妖艷每難詩微風
忽度輕披展絕憶霓裳駐拍時

謝徐正十一兄惠牡丹顏帖

左攜珍帖右花王雅賦何殊照乘光折壁漏痕含蠶尾珠
珠露顆帶天香數千葉密憐檀暈怕六丁收謹匣藏答謝
苦慚無好語撚髭空斷不成章

種水芭蕉

石上芭蕉手自移黃梅便得雨如期水根聯絡銀絲漾風
葉紛抽羽扇歌日驗發生疑有準心加愛護每忘疲猶如
老大初生子及見成人長立時

初冬客中見小春海棠

一痕朝日界窻森肅清寒昨夜霜硯怕生漸微貯水爐因
撥火起餘香最耽詩帖間中樂無奈塵埃客裏忙却是小
春花謝絕海棠經月駐紅粧

客中

睡覺簷牙月一鈎適閒真不願封侯病多藥裏長為侶靜
著爐薰轉更幽席上眼明梅破臘霜餘珍重菊經秋從茲
可向家居否強半經年在客舟

和帑院叔

久居朝蹟遲遷次雖在琴齋頗寂寥交少自應無援拔地
寒安得有肥饒桃花落處春風緊梅蕊開時臘雪銷畢竟
徐行能遠到樽前贏得且逍遙

及書六考喜效白體

無庸下考又三書知愧知慚意少舒儻便盍簪叨墨綬縱
然休仕亦緋魚何人不願重金服那箇無心駟馬車脩短
洪纖應賦定好存方寸一由渠

不寐

不夢華胥仍不醉燈青室白自高眠頻聞乾葉下空砌遙
認征鴻戾遠天慮淡殊非同槁木無營豈復在齟年回思
撲漉紅塵久虧損工夫只自憐

邑圃池上

南薰初愛葉田田忽見莖枯欲倒懸風露漸淒生澹泊水
天相映作澄鮮無人領會微吟意獨自呶唔薄暮天一對
陶朱山下鷺飛衝破晚炊烟

養鷓鴣

護毛不用籠寬織半殺彫翎養自馴退易進難微鶴歎涼
來炎去異鴻賓橫枝梅下眠和月臨水薇邊遊近人更著
花栽安蘇石黃筌圖畫鎮長新

十日同憲僚登高

自嘆淒涼客寄身已孤菜酒奉慈親未經一夜無芳菊共
上層樓有可人日射寒山宜近晚霜殷秋葉艷于春清歡
率爾吾儕事帽落龍山意更真

讀元舅雪溪先生墓銘

二祖霜臺有烈聲傳家文憲見先生剛而不折松筠壽貧
弗濫求冰玉清陶令秫田詩料足竇家桂子義方成即茲
更有高賢傳豈羨區區世上名

拜掃易齋先生墓

行樂今非少壯時一樽聊以酌吾師隻鷄豈敢方前輩下
馬猶能慰所思原上松杉新種植巨濟兄近為先生栽松杉望中桃李
半披離歸途劇飲廢新句顛倒綸巾不自持
隻鷄斗酒祀雖微微苦雨終風志不移卧病已辜寒食約踐

盟猶及小春時老懷傷感渾如舊同舍追陪尚可期少憇
東湖勿忽遽片雲來往正催詩

寄湯帳幹

銷窻寂寞守燈熒熟數陳蹤迹杳冥已自無心雲淡不
應逐計鼠營營發生最普惟春力幽隱旁昭是月明試品
梅花霜下角動人深淺似秦箏

招石希孟朝飯

水臨軒檻絕纖埃砌面茸茸上綠苔伺餒金鱗渾可狎低
飛翡翠不生猜篆薰欲起筵初集清磬絕敲夢恰回正好西
風坐蕭爽官程翻怕驛書催

與帥幹架閣宗叔

山中翁之子

曾聞老吏說先猷咳唾珠璣下筆道大器莫為時所用高

科還有子能收相逢禹會嗟何晚薄可郊寒匪暗投珍重
斯文肯勉力清朝墳典要人修

寓言

詞言詞卷陌兒傾心反目易安危可嗟香盡蝶猶戀誰
誰機萌鷗不知寥落丹青秋後扇縱橫黑白局中碁料應
主意非踈賈其奈難祛絳灌疑

追詠西湖行樂寄傳清叔

聞借侯家宅湖邊度夏涼鐘魚連梵寺雉堞傍城牆閒適
心無事清和日正長藕花雖尚稚荷葉自多香苦筍回餘
味青梅弄半黃生綃畫團扇細葛製輕裳水近風生座簷
虛月滿廊龍舟花漿擢騶馬紫條韉竟日歌聲沸通宵水
面光不妨投轄飲更稱淨琴張詩社聯行卷仙姝學道妝

英遊伴王謝清夢到羲皇曾約陪遊蓋慚稽動客檣憶君
徒悵望為我細思量幾度吟成後憑誰遠寄將意多收不
盡事鄙每牽忙今夕微醺起中宵捉筆狂浪吟無次第聊
表未遺忘

九里松馬上作

九里松株不斷青松風上發下泉聲耳邊為聞天籟故約
遊韁緩之行

送客

素娥懶駕水晶輪此夕飛來夜欲分送客出門還獨立一
天清露湛無雲

臨安客中

小樓面著踈櫺靜有蟾光絕市聲讀罷離騷臨晉帖菊

花香裏數寒更

折枝

奚囊金勒逗春行
醉咏歸來隴月生
折得生香渾懶向
斷簪零珥任縱橫

清明

節近清明長是陰
黃花間在麥苗深
勸行却上高樓望
烟鎖前村一半林

經過

二十年前漫浪遊
海天霜氣夜深浮
竹牕夢斷聞雞處
常憶溪灣塢聚頭

南林張園

淒淒寒菊委霜叢
下有微吟腐葉蛩
倚著欄干聽不了
自

來我輩最情鍾

種石菖蒲

少年眼力健觀書
卷裏千言一覽無
何事簿書昏惘惘
效尤石上種菖蒲

蕙花

光風蕩暖曉晴天
雅有幽香入簡編
尋見堊花都不是
山蜂引到石崖邊

夢回

點點桃花短
墻雨聲徹夜響迴
廊覺來蝴蝶家
山夢一半分明一半忘

贈述者

絲絲塵土簿書堆
職在其間怎可辭
不向先生問榮達
但

言何日是閒時

買硯碑

鳳城涼雨新秋後幾處朱樓試管絃有客賞金收古歛短
繫竟夕自摩研
恰在賞金酬硯直又逢古洛蔡公碑摩挲不忍教他去笑
殺典衣償直時

問梅

生成欲見化工功不在漫山桃李中為向梅梢問消長地
寒先却得春風

天平方丈梅下見持要舊題
枯梅一樹半斜欹繞匝行欲詠詩忽覲李難遺墨在西
風吹淚滿髯絲

謝送牡丹

官舍無花既有塵縱將畫展不如真若非折寄珍珠客幾
是蕭條過一春

籬牆封枝剪處新開奩帶露尚精神洛陽路遠風塵暗腸
斷應作做譜人

高渭南席上燭照牡丹

高燒燭照御黃衣疑是沉香夜宴歸固是不教花睡著只
愁驚起露蟬飛
日午猫睛一線時紅媽紫媚正猖披爭如絳蠅通宵照玉
葉金鬚色愈滋

題玉川月蝕詩後

哆口楮牙月蝕詩遺編讀著凜風規如何晚節從汙合竟

與姦臣血作泥

題趙天年小景

霜輕榆柳未全黃
兩岸菰蒲洲渚長
鷗鳥背人飛撲浪
西風嘗是入斜陽
一行白鷺過前山
飛去沙鷗半復還
更有精能君見否
黃鸝兩、綠楊間

客中思家

微風過處有清香
知是茶蘼隔短墻
想得故園成索寞
詩盟誰復為平章
楚、輕衫剪薄紗
而今憶得在山家
蕭娘為是親蠶事
嗔帶含香紫笑花
柳絮悠、拂面輕隨風
到處若為情
西池應也無人到
一

面青、萍自生

過天下第一江山呈何守

沁園春

許大江山鎮臨彈壓
豈小任哉從蟠冢
導漾東傾注海截
然限止南北天開
試向中流迴觀鐵甕
萬石層稜攢劔堆
金焦峙蹄紫金浮玉
捲雪轟雷君侯文武
兼才天有為生才南
國來歷二十年籌邊
給餉上流襟要幾為
安排今此雄藩精明
笳鼓又喚金湯氣象
回長淮北望中原非
原更展規恢

巖桂和韻

鵲橋仙

明金點染枝頭初見
回出如將刀翦芳心
纔露一些兒早已
被西風傳遍歸來
醉也香凝襟袖疑
向廣寒宮殿便
須著箇膽瓶免夜
深在枕屏根畔

賞春 沁園春

曉上畫樓望裏笑驚春到那家便從吏閒情按排醉事尋
芳喚友行過平沙最是堪憐花枝清瘦欲笑還羞寒尚遮
濃歡賞待繁英春透後會猶賒 歸時月掛簷牙見花影
重、侵寶塔銅壺催箭獸環橫斜濃斟玉醑芳漱瓊芽步
繞曲廊倦迴芳帳夢徧江南山水涯誰知我有墻頭桂影
懸上梅花

客中感春 朝中措

擔頭看盡百花春、事只三分不似鶯、燕、相將紅杏
芳園 名韃易絆征塵難浣極目銷魂 日到也柳條插
向誰門

好事近

春早峭寒天客裏倦懷尤惡待起冷清、地又孤眼不著
重溫卯酒整瓶花總持身霍索忽聽海棠初賣買一枝添
卻

初任官所為慈闈壽 感皇恩

官小官遊初清貧如舊小簇杯盤旋芻酒雖然微祿不比
他們豐厚也知慚愧是皇恩受 富貴千般享之惟壽心
地平時到頭有摩挲銅狄祝望比他長久鼎來榮貴待通
閨後

次任為慈闈壽 感皇恩 是年慈闈六十二歲

一百二十年兩番甲子前番風霜飽諳矣今番甲子一似
臘盡春至程、有好在應慚愧 莫道官貧勝如無底隨
分杯筵稱家計從今數去尚有五十八生朝裏待兒官大

做奢遮會

清涵萬象閣風流子

望極思悠：江如練籟息浪紋收看帆卷舒往來征艇鷺
飛鷺立遠近芳洲遊波不舍山常好祇白少年頭杜若滿
汀離騷幽怨鷓夷去國煙浪遨遊 江南知何許青林晚

山斷處白雲浮懷古慨今誰人似我閒愁嘆醉生浪跡鱸
鄉蟹舍瑯紅怨粉蓮棹菱舟敲遍欄干默然竟日凝眸

春日詞

花心動連祖中司常公春日祠曰庭院深

拘管飛入洞房人不知畫堂繡幕垂朱玉玦消盡
沉香炷半褰斗帳曲屏山盡日梁間雙燕語美人
睡起欵翠眉強臨高鑿不勝衣門外鞦韆一笑發
馬上行人腸斷歸近日風雅遺音多諧前賢名作
因效

庭院深：正花飛零亂蝶懶蜂稀柳絮狂蹤輕入房櫳悄

悄可有人知畫堂鎮日閑晴畫金鑪冷繡幕低垂梁間燕
雙：並翅對舞高低 蘭幌玉人睡起情脉：無言暗斂
雙眉斗帳半褰六曲屏山憔悴似不勝衣一聲笑語誰家
女鞦韆映紅粉牆西斷腸處行人馬上醉歸

初改官為慈闈壽壽壽山溪

幾年修績總待榮親老每羨院南豪向壽席花：草：如
今慚愧微勝十年前聊介了辦杯盤一對顏顏笑
願親強健綠鬢長：好來歲在琴堂想凡事應微熟鬧契
天交道只辦好心膺官儘大儘榮親待受金花誥

怨別壽山溪

桃花雨動測：輕寒小曲檻面危欄對東風傷春懷抱酒
邊心事花下舊閑情流年度芳塵杳懊惱人空老

粉紅題字寄與分明道消息燕歸時輾柔茵連天芳草鎖
窓孤影夜卜燈花明清漏斷月朦朧掛在梅梢裊

鈔本

拙軒集卷一

積雨嘆

宋張侃



去年南蘭陵官河無流漸陰雲久不見萬里行炎曦太守
為民禱百拜躬愈祇忽然動涼颼驟雨肆奔馳旱苗有生
意下民免寒飢感格在俄頃嗟人不自為頌語我欲作垂
世同曹規深恐旁觀者憑藉立是非反謂地勢隆水散及
四支縱使雨入尺立待只片時今年芒種後有雨細如絲
農家買五兆寸波成連漪我耳曾聽得把筆紀小詩又傳
練湖北瀕洞南北迷浸淫到旁邑原隰不分畸秋中月色
皎老晴頗相宜深谷傳地籟喬松難扶持滂流盡三日處
處同一辭化工有至理淺眼休蠹窺蝼蛄可憐生短衣到

鳧莖冬寒與夏暑平日何怨咨一旦示灾咎反已深思維
退寸望求尺龠合規微貨豐艱非逆料人情恣生疑既所
堆如櫛復話未無稜遂致陰陽轉未免水旱移固窮不羨
富求足翻成虧不知尼父言三年積銖鎰一稔與二米猶
勝糠覈肥農家多守分富家當坦夷

秋後一日書所見者

秋深山轉清雨定水自綠庭前牽牛花粲粲悅人目居官
已年餘竟日書吏牘因閒窺化工景象不一足促織汝何
為懶婦絲斷續夜長清未眠題詩燒短燭

紅塔詩

出門看青山天際晴雲合虬松植長塗亭亭兩紅塔誰知
百年後竟坐市塵雜老僧隨世機電眸閱伏臘流水洗不

盡就下汙流納北窓稍幽虛清風滿眠榻

觀海

孔聖道不行乘桴浮于海非子深寓言誠敬警不逮我生
遊江湖汎舟聽自在有月時初生滿天雲去轍今朝到海邊
潮遲立時待固知源脉長下藏魚龍隊想見景晴明間亦
露光彩因爾觀自然天地能主宰

雨

今日天欲雨農家名分龍雨意或羞澁霑潤限西東入夏
雨已多頗覺支體慵輕煙苒苒綠夕照微微紅不奈勃姑
語呼雨雲滿空乍晴絲捲軸復闌花無蹤蹤良辰偶孤負土
脉方豐融屈指是新秋細聽鄰杵舂

秋夜對月

秋來月漸清老火猶未退好風送新涼雲深復昏晦徐思
此夜滿豈不令人愛暑氣薄前榮蒸溽肯少貸月色到芳
池綠此亦拘礙今宵坐中庭揮塵成獨對霜華雜月色頓
然清病肺何必泥中秋此語吾永佩

平步積谷山探梅才有一二葉

爛雨才放晴街頭泥三寸支筇積谷山寒梅微弄粉二十
四番風廿四風梅居末迎臘先一訊青女素精明竟不易號
令譬如蛻骨仙色粧而意整惟有吟詩翁年年未管領

發犇牛

紅添花滿溪綠帶草穿石佳致在目前遠近記經歷雲疎
雨漸收篙長水倒激平生一詩卷未免寫胃臆記得坡翁
言在郡六百日出處雖不同我性聊自適

桃花瀉鵝

畫工天機高腕有萬鈞力把筆解寫生妙處欠人識地深
煙自引雲斂望不極誰知只尺間卷藏棲座側桃枝糝淺
紅羞帶燕支色經時數芳跗數片墮晴碧政綠景色饒詎
忍光陰擲波心自在流夕照苦見逼雌蜂不受影容此雙
瀉瀉睨目且裴回暫收西去翼籠寬終難馴水滿好修飾
旁人莫癡心乘勢事箭弋庶幾久相忘飛浮欣得得連旬
暑送風對此融胃臆不必形似求徒費半圭墨

新河

侵晨發金臺停午泊新河風定雨新霽一段平青羅遠烟
舉新景宿鷺行細莎臨流洗塵心此地今幾過官事記蒲
鞭少駐聽漁歌大哉濬汲功萬古保不磨

晨起

青山與白水足以娛人思麗花與佳禽足以令人悲因思
 世上事感觸特一時拘拘守定見年少紛白絲朝來白窓
 邊天清雲不飛桂樹充綠潤其色光陸離靜坐息萬慮手
 攜淵明詩飲酒得真趣神氣常自怡我飲僅涓滴螺杯漫
 爾持後山草木深有禽擇所棲婆餅為誰焦姑惡為誰咨
 騷翁繹楚語解說累千辭萬物雖異性天地同一機時至
 飛鳴人訛反生疑禽語空啾唧有怨難窮推好生毛羽者
 細聽強誑欺遂使本然質由是深有虧清風到階庭處處
 禽語奇勿問聲如何天地何曾私

杜門詩

初官金臺邊日長頗閒暇細廣飲酒詩喜無俗子駕雲輕
 月緩梳竹少花相亞官塘頗塵囂數間名傳舍吾身聊自
 適閱世如啖蔗春初汎舟回晴谿山影射蒼苔護魚池粉
 墻傍花架東風知人情游絲從空下歷覽佳有餘頃刻在
 所化杜門觀我心陶冶有鮑謝

府治闢鎮越堂得坡翁詩石於草棘間

功名蚊成雷文華珠媚川作意每中輟要當任自然誰知
 蠅頭表不似詩句傳鑑湖生光彩坡翁真謫仙

記野人語

野人延我坐坐古木陰四垂未語涕先集昔盛今衰我聞野
 人語斯事古有之但要存心地何須問墓師

歸來五首

小圃近吾廬呼奴掃堦曲梅株晚放花谿水新圍玉聲名

不厭低出處今已熟倚杖看城山飛來兩鴝鵒
西關景色妍歸來春未盡岸淺柳生陰風緩花成陣懽娛
垂白親免得望家訊乳鷺立簾鈎別久還相認
薔薇在其西老桂在其東先後不同時生毓歸元功幽艷
占淑景清香待秋風有句莫漫與騷然固長窮
爽氣滿清晨秀色藏山骨結亭茗水旁斷手建巳月古語
敬書紳高譚休柱笏柴扉喜常閑從今避請謁
醉醺數尺長伐木成小架玉色映晚春濃陰接初夏濁醪
任淺深細草堪枕藉興來信步行浮雲出山罅

書目所見者五首

我家屏圍圖畫作江天雪晴行漁舟蒲帆繫檣絕猶記
為兒時劔立從頭說今日親見之甚欲伴清潔

淺灘潮未到小舟不得動當時一羽輕今成千鈞重老翁
倚篙竿生寒肩勢竦勸翁且歸家潮來勝乘槎
盟鷗何處來聲和春喜近賓鴻可憐生呼羣摩霧隱鷗鴻
本何心世人無義襟責彼不責己嗟嗟非獨今
羣山恰四圍江湖游其中潮低不成山豈是阨於風舟行
山漸遠潮勢同瓴建抑之可使高又作望崖反
小民海濱居煎水活妻挈指海充府庫何曾計有無鹽成
有喜色摘蔬供午食君子勞於心我儂勞於力

朱陳嫁娶圖

生男願封侯嫁女在北鄰此是古人言最知天理真世遠
人亦偽嫁娶來城闔歲序罕聚首浩渺不計春當其出門
時錯落車百輪笙簫填孔道珠翠委泥塵堂開牡丹屏盤

橫水精鱗徒取眼富未問身後貧女嬌鮮禮法薄夫貽所
親民家女及嫁擇對走跋跋一旦有其家昕昏如主賓誰
圖朱陳村宜為堯舜民

嘉定壬午春晚園官送杞菊因取陸天隨蘇東坡張
南軒三賦誦之感事賦詩

我志甘澹泊不為物所遷園官送杞菊秀色滿目前生育
秉至性陰陽順中權可憐黃口兒七筋照腥羶縱得一餉
戲旁觀成脅肩杞菊付中厨試着薑鹽煎至哉天下味妙
處祕不傳三賢留雋語首當師之焉

秋日閒居十首

歸來清淨居懶蹋紅紫陌有堂新翼然遠景疑界畫暑氣
礙秋容似覺眼界窄墨雲吹雨絲頃刻入地尺水勢沄沄

來岸沉已拍拍老楊溼根翠穉菱汙花白東港與西塍了
不見舊迹陰陽反掌間底事作災厄

名花逢深春各自逞嬌_在惟薔薇繞籬根園子采去賣瑣細
不知名結束擔頭挂細細隨輕風時時與破壞詩人浪自
吟放言竟成甕紅紫一夕空又見韶華邁亭亭珊瑚懶入
名花派每見天棘涼依竹堪入畫

我志甘鋤園汲水敢言倦擬種百尺松終宵風雨戰土脉
分瘠肥秉性有後先蔚然三寸長荆棘從旁冒待得成清
陰方為世人羨畫手知姓誰拂拭好東絹寫此歲寒姿爽
氣滿庭院不記少小時挿株泥樣賤

秋崖一段清秋水暗生池眼力所盡處不特宋玉悲化工
爾許巧閒花慘枯枝涼生細細吐月緩重重垂但恨古之

人未能鑄好辭從叟悲秋語如石不可移獨愛白樂天酌
 酒細吟詩漸喜無人聽格外只自知
 西閨近邑郭間地素來廣規度三五弓栽花屹相向第一
 覓竹本宗生要易雖晚色翠四圍依約見秋嶂老雞先司
 晨除柵試一放栽冠汙枯草鮮明莫能狀厨人出新巧收
 勲到盆盎持送文園翁小字書佳况
 江南多澤國別派亦成湖渺渺明佳景紛紛展畫圖層穹
 邈無際浮翠前峰孤欲喚扁舟去筆床茶竈俱東邊嶼深
 幽穉蘆不記株花輕相上下隨風掠酒盃湖中開一鏡中
 有隻野鳧可憐知者少此趣未嘗無
 人情易愛憎品花語最嚴遮護富貴花排日排牙籤驕態
 不自持霏微花上露虛名竟何益餘事付寶奩花開有避

速稟氣等洪纖到眼俱可翫何曾形弃嫌幽幽牽牛開碧
 色照疎欄勿云此花陋少取緣傷廉

迎秋花事稀蝶翅依沙晚籬落繞紅園暗遣佳名損立名
 豈願醜一定不容返寧避市塵喧甘作山林遜柔枝綴鳳
 兒欄外成錦憶婉婉風味殊苒苒煙光遠治世鳳朝陽吾
 道何須偃母學接輿狂終日空思村

蘭以深而香避世非吾忍移根植堂下遂使世人輒誰知
 秋華折未許流聲盡即之色漸溫佩之芳愈敏因觀太古
 音試理幽蘭引幽蘭本香草名隨四時泯奈何楚子孫此
 只徒自窘一枝三四葉與人作標準

蘭芷荃蕙本是一種
 香草名隨四時改焉

不特春有蘭秋有蕙
 春有蕙秋有蕙也

小園雖偏仄堂成春告殘羣山當目前翠色煙中繁隔隄

多垂楊紛紛風前翻哇夫為予言宜挿秋牡丹既無傾城
艷亦可酒筵看根株雖脆弱千葉攢中單夕陽媚晴水紅
濕回輕瀾休從殷七七染法成欺瞞

五雲門外湖田詩

越中官賦重有田即追呼小民生計薄何以存妻孥前賢
念民切瀦水啓鑑湖自此歲常登不計大有書湖埋水漸
涸往往事耕鋤禾根雖浸水天秋翠平鋪后王主生育詎
肯餒一夫盡說湖田好大勝行商車商車利縱博巨濤與
險涂湖田若不熟明年豈全無

娥江市

前回渡娥江夜半呼舟行今回渡娥江風迎晚潮平人心
險於潮潮頭平於路娥心無古今潮隨漁篙渡

千秋觀拜賀知章像

天清雲捲慢風定水開奩既知鑑湖濶所取胡乃廉一曲
期自足千秋名字獲我來拜遺像端可激頽俗

遊石筍

偶成石筍游山色浸雲表雨輪天地濶一覽江湖小渴飲
金沙泉饑餐翠松苗鄴公何許人遙想好風標

郊外

縣市已蕭疎何況在西郊浮雲不成山濁雨平淺坳紛紛
占生殖蓋頭一把茅釣魚尋竹枝明水採松梢翻成水墨
畫極意竟難描移時反官舍游僧初解包潛思目所寓肯
把聲名拋試問耳聾許終勝掉頭巢

閒意

秋來纔幾日得雨洗暑氣庭前容人行瑣細開野卉似覺
氣象殊鄙薄牡丹貴不是怨春風政緣出處異柔得千年
存剛則片時易彈指秋又深靜處觀萬景胡床倚竹根清
入詩人胃好風緩緩來側耳聽絡緯

樊將軍廟在上陌樊宅土人相傳是將軍故居史本
傳云沛人也五十年前因題教語今輒附此

將軍生沛邑樊宅在吳墟既沒其先語決知非此居排門
忠尚在浮甲事尤虛却恐同姓者相傳佚本初

古澗閒適

雨來澗水碧澗遠山勢斜澗邊隨意坐瑣細覓開花野蝶
深有情翩翩依沙晚以渠流水心醒我觀花眼

示韋中寶六首

鶴隱乍來時年方三十七忽忽十七年終始如一日卜居
在邑西近我讀書室聞來劇笑談友情似膠漆筆端備六
體紙上春蛇逸兩鬢吹秋絲吟詩紀經歷

去年金臺歸今年三十六守拙伴林鳩折箭存飛鷁小園
接屋東有堂依水綠浮雲前山來蕭放忘拘束雲已久無
心細看猶未足起來一杯酒從此覓歸宿

我與鶴隱交一紀又踰五燕飛知春秋雞鳴便風雨惟君
勝蘇端許我似杜甫忘情更忘言握手見肺腑君或醉詩
歌不問歌差誤醒後頗快人續續寫詩句

向來未服役君室日清閒侵曉披衣見中宵曳杖還溪梅
案玉萼幾度開笑顏邇來君累重旬月旅長安葛屨躡塵
沙春在湖山間忙裏買小艇何妨卧看山

一春隨意行濟勝欣有遇不愁風薄人但愁雨深阻亂山
烟中藏勃姑聲轉嘯春無三日晴前人句已寓惜許好花
枝爛漫少人顧君久不在家花思依柳絮
微官當力勤後月已戒路思君且語言處處放閒步花前
借鶯吟卷中笑魚蠹民家老樹根小憩覓幽趣更後四十
年同君尋舊寓斯事姑置之尺書寄飛羽

示高愷叔

天秋桂子香我舟從西來愛君丰度好面上無塵埃相逢
各草草未暇開情抱贈君以一言功名薄穹昊新春雪初
晴記水三四程徘徊梅花樹邀我了詩情

題李伯時馬

近代李伯時能畫天廐馬畫本出心匠不在翰幹下真骨

獨當御汗血沫凝赭為渠生光輝神妙非假平日熟意態

繪事頗閒暇誰知廣易真萬馬悉暗啞色帶碧雲駮馬名梅聖

俞都官有和鸞亦雅雅一筆竟不予此意識者寡

三高祠

武侯出師表子陵釣魚磯達則濟天下窮則歛所施淒涼
數間屋荒草碧離離功名挂人口毀譽復隨之樣舟三高
堂快讀石湖碑不有君子生何以立國基夫君守定見遯
野身自肥儻不為時用猶當師仲尼血指恐及已旁觀付
盛衰汎湖誠偽計思鱸設虛辭區區務力作反蒙樵人譏
松江水不窮那能洗瑕疵石湖擬小山三招何逶迤字字
春秋筆史氏當憑依武陵有西湖湖上水仙詩君復隱孤
山清名敵伯夷死無封禪書小詩揚京師坡翁刺是邦寒

泉薦江蘿在郡六百日遂踵居易規終焉配水仙事定分
是非邦人思坡翁要知甘棠時遂肖三賢像相與祝其尸
三賢得其操三高得其微篙師催我行日落江水湄

惠山

勝槩棄道旁翠色空蕭爽泉經古澗流鳥趣枯藤上俗眼
眩浮華紅妝圍翠幌入山恐太深更肯契心賞山靈亦退
聽佳名慮標榜斷綆汲寒深隨人墮世網

煎茶詩

結廬枕石隙其下通泉脉新開數尺泉涌然如乳白道人
北山來閒話到終夕徐云茶已芽氣味及高格絳囊映綠
色未嘗齒流液汲泉滿斝瓶篝火勿遽迫須臾蟹眼生茶
新手緩擲薑鹽宜屏除能添水厄

一作薑鹽亟屏除莫令添水厄

鴨綠江西黃城古碑

我行畏簡書無日不及汲驅車過荒城想是古都邑豐碑
出木杪屹若砥柱立埋沒黃塵暗侵尋綠苔濕字畫久漫
滅百不得其十云男女千人於此嘗期集世傳秦徐福海
路從此入明年祖龍死仙藥安可及古今如夜旦生滅等
虛吸情鍾正我輩是亦氣所習弔亡懷往昔所至蓄篇什
宜乎晏平仲獨笑牛山泣

池荷

水淺荷亭亭風過半欹側入水元不濡須臾見本色偶然
成珠璣至妙入孰測乍散起微波再圓聊作劇瀾雨未舒
晴浮雲時擁墨小池瀾舊痕一旦寓新飾荷平綠水深翠
滿真堪惜切勿濺成珠漾去靜如拭

楓橋

橋邊紫燕留柳外紅日晚川明山影動風緩波聲遠吾道
付悠悠世塵空袞袞精廬傍官河時有舟車返古賢用志
苦吟詩一字穩乃知半夜鐘絕勝木蘭飯

木蘭楊州石塔寺舊名

東西家

東家機杼鳴西家春杵急西家荷艷鮮東家竹翠濕小小
了生涯四壁從渠立昨朝雨傾盆雞柵又新葺柘葉延涼
陰父母妻兒集村南沽酒歸佳饌有魚入

對鏡辭

古人對鏡辭率是年紀老出言反成悲未免耿成抱間有
少年人對鏡默祈禱第一早功名第二多壽考第三欲富
貴滿屋貯珠寶此心機械生此身晨夕惱用一每藏九終

馬乖至道目為守錢虜名字亦可保不見王夷甫舉去忘
稽攷我今對鏡別有酒便為好欲醉未醉間浩歌出晴昊
荷花解人心風前五傾倒

先公守汝陰嘗以詩送都曹路君桂冠東歸載張乖
崖公留其錄語今傳播世間三十年矣近僕寓居穎
昌一日有都曹公之季子字文老者偶來自京師出
其家所藏二帖紙墨猶新因道及存沒之舊感慨於
懷乃追繼先公詩韻以遺之文老時方就試春官待

報也

誰聞駿茂言執手為改容此道久寂寥世態日方濃昔翁
守穎尾軒裳心已慵感懷督郵老獨躡二疏蹤脫屣太倉
粟歸謀田舍春浮雲悟此理何必祿萬鍾已矣衡門下哀

抄本
哉馬鬣封箕裘付諸子介冑輕邊烽坐看一戰霸此言天
心從翁詩墨猶新我涕文願胷重尋筆硯盟愧乏好語供
子非終窮者時節會自逢

客有誦唐詩者又有誦江西詩者因再用斜川九日韻
泛觀今日詩機巧由心生鏤冰與鑄木未免求虛名豈知
製作妙渾然同水清塵埃數張紙亦足傳佳聲羣趨不知
守辛勤暮齡奈何口耳間一見意已傾投身入詩社被褐
生光榮黨同伐異說初非出本情我願剖藩籬學力隨所成

孤山

先生聲名高引人同吾道來訪孤山師草木富華藻有泉
出山罇碧色巧縈抱甚欲酌此清仰天應笑倒

寫古五首

事行人所難涂人未深信吾身一時高佳名萬古振堂前
頗幽虛老竹添翠潤世俗日澆訛風流今已盡
文章如元氣又如水赴川宿習務洗去伸塗當日賢扶持
正統在後學承其傳衆目不可掩璣衡麗青天
束帶立朝廷平日有定力挺挺道鄉公面上無佞色諫書
與天通那暇顧荆棘墓祭記學宮賢哉太守職
人心具天性嗜好各不同荒涼陸子祠寒泉引碧甯名者
身之累千載存遺蹤獨有吟詩人時來繫短篷
希聲少年日勁風盤青蒼與世既不偶投老願山旁執花
靜天理濬泉發新芳斯事古亦有君子戒反常

清寒

曜叟久不出短帽半離披天公有新事剪雪玉參差仰瞻

銀海眩湏臾肆寒威試絨口翁名酒器時復一中之初如蒼

荀飄終似白練馳陰氣無所泄乘風舞綏綏山明失紫翠

手板休挂頤碨流有層水艇子寸步移寒禽集深條可憐

翅翎垂擁爐回陽春始覺溫四肢我生僅再見老農重嗟

咨錦里杜子美姑溪周紫芝文章江漢流初不事支辭遺

編可推究古豈異今時無此雪與寒何翅五噏詩宜瑞不

患寡寫檄誅雲師杜云太古以來無此雪周云太古以來無此寒王龜齡洪景盧有五白倡酬

書事

細雨饑寒色忽被北風吹楊柳絲不長免得成別離西家

杼錦繡東家粥文辭天地本無巧人世嗟何為

今年氣候遲五月寒尚在花柳已稀疎軒窓頗瀟洒提攜

一書篋轉盼十五載自拂蛛蝥去大字生光彩名起致人

嫌俗冗令我浼袖手細旁觀小大立可待樵夫唱竹枝漁

人歌款乃清適付儻來浪語免後悔吾家儒代耕官卑謹

勤急入夜傾碧香聊思澆磊塊

歲時書事

官居盡日閒隨意自消遣出門河水清風定回長練煙林

入畫圖脫葉霜新絢景色為人妍一歲知幾變因思天地

間是處堪留戀指隨襟袖寒地氣近淮甸歸來吹青燈叢

冠看經傳今人聊復爾古人不可見

墻東古楊樹秋來已憔悴非無歲寒心政以枝條脆陽春

敷新榮生育不擇地依依楊柳枝風前舞嬌翠嬌翠雖至

柔中有生意

夜長何漫漫誰為勞者辭致身清明朝誰為感遇詩古來

賢達士氣志不肯卑曳裾非素習不過祈人知一言偶相
契遂踵蕭何規嗚呼今不然車馬日以馳朱門極富貴長
途多寒饑立身榮辱中每見無不為平生毅然節反為今
所虧赧顏度朝夕同隊如小兒結茅枕吳羌清名萬代垂
束髮能綴丈未解知其奧修綆汲淵源所得是潢潦年年
三折肱逢人漫稱好古意愈簡淡新說恣顛倒如何十日
曝只望陰雨膏閉門覩天功時至學自到
霜色白皚皚與雪無間不獨齊國人凌晨歌笈飯古瓦爍
奇葩纖微分六瓣雲寒曉不開雖有孤鴈猶記前十年
躡鳥青螺縮舒徐酌細泉委折登危棧獨恨來倉卒野服
未易辦去年買小舟斂板作微官荒涼屋數椽門外多車
輓旋呼市居人恂葦如縫綻寂坐冬夜深霜風吹兩鬢舊

書不敢廢官事不敢慢達哉漆園翁出處任鵬鷃

朝來瑞花飛簷前成箇箇老農村中居沽酒自相賀不願
擔石儲但願免飢餓連年田有秋墻東添石磴春來亦有
花竹外江梅破娼桃與妖李臨風自嬌惰上天新賜瑞莫
測花機大毫端已先知浩歌續楚些

冬雪已飛舞冬月愈明皎午夜靜人籟一日天未了荒村木杓
枒上有烏鵲繞胡床擁破裘呼奴取青醪良夜天下同妙
處識者少何必與人言壯志出塵表

前朝到肺南水開春意動寒風先感發日色尚曛曨老翁
禮頗恭側立手先拱殷勤謝官儂筠籠野果重顧我守官
下仁惠愧劉寵其位偏而卑惟知短檝捧舉袖謝老翁毋
以斯言恐我見誠暖妹我才甘散冗

心官素坦夷幼荷父兄詔口誦太古篇煙村雜漁釣誰知
賢者樂竟坐旁人譙偶有百鍊銅鑄作架上照形模雖不
同小大亦相肖一為世所移作事非素料酒中有妙理勿
學淵明笑淵明曠蕩人行藏同荷篠天外有奇趣勿學孫
登嘯孫登隱逸輩施為異常調萬事付自然吾方請至妙
歲晚星回天雪晴雨收脚畦丁昨夜來老竹如新斫我本
一書生紙上守糟粕治圃非素長方欲求其畧吁嗟天下
人方以鄰為壑人心自爾殊化工無厚薄

羣花極妖麗不似梅花清孤標年年在吟意年年生香清
到詩骨可玩不可名安得李杜輩美酒為之傾

食圓用建昌使君叔父韻

荆楚遺風在瑣碎陳佳筵猶憶總州時兀坐空自憐老妻

劑秣粉夜永燈花偏激盆蔗漿穠晴雲繞因前翻匙玉比

潔膠齒珠相駢我髮日種種沆光自年年門無送酒人古詩

云上元應送酒誰能中聖賢因試囊中術妙處有機權由

來自蔡經家來寓於手不在刀削圓汎觀天地間幾者物之先大阮精

詩學詠物巧回旋虛名付儻來默守終日乾吳生泥於方

所見何拘孿三復叔兮什華池水潤咽吳伯愷食圓詩云平生五千卷為方

不為圓

秋夜

秋深氣轉清夜闌更正永庭前菊半花天外雲收景試呼
麴生來綠色照瓦皿悠然兩相忘何必問形影

十月二十四夜雪霰用蘇文忠和趙魏令韻

營居在西閔鍊句誰能和水深舟已行雨驟雲無奈殘花

蝶倦棲弱柳鳥驚墮橋杆掛稻頭小定事春簸帶濕芒盡
除易破粒漸瑳世路久羊腸人情隨蟻磨每祈天雨寶非
是心好貨力行毋自畫浮言空相挫因閒到農家暫憩同
客坐別港野鳧歸斷籬瘠牛卧老翁語殷勤今歲多坎坷
望晴眼力枯護田衣袂浣政恐官稅虧不顧茅屋破老翁
勿預愁太守兼勸課丘明紀大饑孟子憫人餓瑞花舞綏
綏來秋真可賀

戊辰春二月雪呂君國秀曾賦七字句予和云試來
月下逢僊子何似前聘宓妃乙酉春二月一日雪再

吟二首

去年正月尾雲片綴雨絲今年二月頭雪花一尺圍豐登
有定數元化熟可窺呼奴聚燈篝細誦辛卯詩

韓退之有辛卯春雪詩

呂君年八十曾賦春雪詩平生慕韓愈大書萬玉妃我時
年甫冠辛苦鑄好辭功業只爾耳歲序空推移

拙軒集卷二

薄薄酒

宋張侃著

薄薄酒解愁顏醜醜婦勝居鰥但有簾繒大布包裹了爭
羨危冠華服偃倭趨朝班就令真封定遠侯何如生入玉
門閔蘇秦富貴却輸負郭二頃管叔兄弟恨不茅屋三間
張公厚葬保首領嵇康養生誅市闌亡羊未易較減穀爭
地適足誇觸蠻錦衣未暖沐猴敗仙舟無耗鮑魚還狂謀
正使鬼笑薄命豈坐天慳不須乞鏡湖三百里不須買蓮
峯一半山窮達憂樂付與三萬六千日但恐一生辛苦不
若一生閒

薄薄酒免厚味醜醜婦得長年淵明飲酒聊小醉醉後清

風北牕眠季倫百萬買嬌麗一朝禍至空棄捐因思達者
得其趣那用情愛泪心淵門栽五柳池種蓮瓶無斗粟囊
無錢浮雲富貴不須問在世得失付自然君看曳玉垂金
趨魏闕何如躡鳥散策吳羌邊君看看奇珍異味食方丈
何如糲飯野菽在目前古來知此亦自少或出或處隨吾
權入秋雨過暑光薄桂子將綻添精妍抱甕獨醉有深樂
不用抽釵喚李娟

薄薄酒無餘味醜醜婦有餘妍君看行樂且隨分不用美
酒麗女嬌目前紛紛萬事如雲過塞翁祈福圖免禍屈指
富貴能幾人大笑書生守寒餓書生作計亦不癡開尊對
花吟好詩醜婦買魚赤脚煮醉後狂歌發真趣

家園有梅一株依附籬落潘聖功喜其有古意戲占

云早是江南春訊動枝頭已著兩三花癸酉歲梅不
生花已卯秋尾聖功云亡愴然有感見於篇什

雪意垂垂雲滿天梅花一枝放清妍與君蹋雪看不足歸
來吹鐙傳詩篇此詩只許梅壓倒句中染香疑登仙梅兮
再四乞避舍杳渺初不到靈堅我恐么鳳暗作崇嶺梅碧
落侍班聯空留佳語塗耳目歲月荏苒知幾遷况君姓氏
占仙籍随分了卻塵世緣想今共梅成莫逆投壺一笑三
千年江南春訊誰領畧杖頭那用挂酒錢

千葉支子

園林綠暗花事稀蜂愁蝶怨依夕暉天工續續施巧手眼
邊無日不芳菲須知萬物都是假苦泥實相第二機支花
附石水清泚端莊自是蕭然姿來從鹿苑塵頓洗暫登螢

總聊發揮芳苞攢葉母乃密清香徐徐風作圍我方寂生
息百慮對此不覺板柱頤荒山草木能嫵媚從今細尋莫
相逢

園丁報秀野對岸芙蓉盛開

我家分占清溪曲溪曲新添數椽屋屋前花竹占清妍更
植芙蓉伴黃菊植時止是三寸纜雨打雪埋地氣回深培
淺壅那費力想見錦繡沿溪開向來為渠轉一語欲絆秋
光堅不住于今秋光雖勝前花開卻恨隔江浦哇丁知我
酷愛花風吹芳訊到官衙淡紅深粉足嬌態高高下下依
日斜人生行樂何須定蹉見此花頭次盛蜂脾添蜜採偏
多蝶婢尋香屢來聘因報哇丁輕削根趁時亂挿不厭繁
今年開遍明年續要使長蒙天地恩主人做官在虞水亦

有芙蓉滿閒地看花翻憶植花時酌酒一杯誰寄似

野航池邊古梅二首

池邊梅花種幾時枝柯古怪苔紋圍可憐守分不入宜開
時却有天然姿因看冬夜月初上景象森然最難狀梅枝
寫影已清奇不用畫師作圍障

凡花雖艷艷在眼梅花帶清清入骨時人喜艷不喜清綺
言麗語寓輕忽池邊之梅格又高霜月次第上林臯平生
愛梅被梅惱梅亦憐吾非少年

對梅做揚誠齋體

前年看梅清溪邊萬花依枝占芳妍去年看梅金臺下一
枝傍竹秀而野今年梅花勝舊年急呼翹生來座前折花
飲酒到夜半羌管休吹且頻看旁人笑我心太癡花開花

落由天時如何苦作十日許慳風妬雨誰得知我雖不言
見已慣倚着茅簷聽過鴈明年梅開在清溪不妨訪西山
西

連日雨

天桃倡杏羞蕊紅東風未傳第二訊忽吹山頭雲擁墨細
聽簷牙雨成陣公堂閒寂春晝長病夫兀坐湘竹床童子
添火深炷香萬念不生兩相忘

久雨

浮雲四散雨意濃小池水滿不可容前度久晴今久雨綠
殘端欲問太空太空高兮渺無路風力煎絲得小住農家
一飽庶有期笑殺春深脫布袴

連日雨意未止

前日雨聲無一滴官河不堪行小舟只因連夜雲送雨軒
牕處處留清幽人心不同分好惡陰晴無準言要吐杜陵
曾賦貧交行豈是令人不如古古人今人莫預愁皇天念
民耕西疇翻手覆手言俄頃功過只須付毛穎

遊西湖

夜來雨足半篙水西湖荷花紛錦綺扁舟載酒作清遊香
入衣襟風緩起西湖之景天下無萬句千言空滿紙山依
華屋屋依山湖光渺渺相回環因思古人比西子又見今
人比賢士東坡詩句脫塵凡不比今人較形似今人亦自
有詩人毫端無窮契天理

樓攻媿比西
湖為賢士

黑雲行

視西湖
水閣

山頭墨雲未肯歸牖邊積水正連漪去年苦旱望甘雨今

年久陰藏晴曦天心人意默相契雨多不止尺入地

俗諺

入地一尺歲大熟 訟風擬學韓退之深恨綠牋無好辭

金牛行

君不見晉陵縣北異事傳夜氣將深纜出沒古來至寶默
有數精英之藏寧久鬱我聞試為訪遺蹤惜許邦人忘歲
月不然上亦逼星躔兩無相合歸芒芴當時奮身萬策湖
愛向東山穿香骨豈知服猛盡奔馳潛地而馳真異物雨
侵古蘚滿荒臺虛名空在何有哉嗚呼金牛計已竭胡不
犧尊陳帝闕

槎浦並海

海風顛狂衣袂摺長檣巨艦去如葉卻行小立視荒田老
翁擲杖呼妻妾成行再拜告官儂舊秋潮大經短堞只因

鹹水入田來雖築田塍已晚哉官儂不知苗根透岸水浸
苗秀日蒸水氣反枯苗不如莫種只望潮

自白馬湖穿夏蓋湖至後郭塘岸

連日天晴雲送雨羣山環繞翠相聚湖心波起小玉山映
帶不多添媚嫵十年江湖寄此身每到佳處喜生津豈知
築隄限海水底事毀泐築更頻君知此理休更說只緣今
日人心別

西溪湖

杭州西湖天下無重樓複閣成畫圖中宵與客買舟去千
金閨亦呼名姝自言此游有真樂月明星稀飛林鳥珍馔
旨酒雜樽俎水精之鱗盤橫鋪光陰鼎鼎暗中去事業泯
泯紙上拘蘇仙在郡情甚適君復居山身頗懼英風既往

不可作蹤跡勝槩生荒蕪空留濃妝淡抹句思士久泥反
長吁金壘有溪名西湖我来適當夏之初萬荷疊疊風捲
翠羣山隱隱雲依梳岸頭有亭翼然立明秀拱挹美且都
名園花卉憶靈運古洞深遠棲仙姑月當下弦遲開鏡高
燒銀燭行水壺君不見水利及人居第一為壑勿學白圭
術

城江下岸田為潮汐衝擊今不可墾小民勺水煎鹽
於上

江湖衝田漸成地地久歸鹹有其味小民泥爐侯泥乾勺
水煎鹽求淺利農家耕田望秋成煎鹽得錢盡力爭嗚呼
小民盡力爭農家輟來愁空生

搜碑歎

上虞溪湖十四處昔日是田納官賦逢秋民間欠灌溉縣
官作文告后土民間以田濟溪湖田上官賦卻抱輸聞時
瀦水旱時用縱未全熟無全逋古來人心平似砥今來人
心薄於紙不念平人輸賦苦情願自為悠久計大臣奏事
怡天顏以民為基古已然况乃民間推已有明知食足民
之天此事傳來猶未久為雨為雲翻覆手搜碑使平命工
磨別鐫奇文垂不朽鬼神呵護屹不移至今碑上光陸離
噫嘻人心不如石使我嘆息重嘆息

讀劉義門碑

邑民劉承詔十世同居熙寧中越地連
早十年承詔旁郡收米賜給宗族趙清

獻時為郡守上其事
詔立義門且作記

深秋檢早步田隄天清日懶風緩吹行行不覺筋力倦前
山數鴈帶斜飛老農指點前頭路便是義門植碑處義門

當日篤於親十世同居無異語可憐年遠子孫微賴有此
碑名未虧子孫能守前人志田雖一畝不忍離斂襟讀碑
幾百字重嘆今人深有愧老農耕田莫深鋤臺高要記義
門居

夜窮歌 視梅山塘下
搖擲等暇

山田多怕旱引水以溉灌不知雨勢狂衆流極迷漫君不
見三鄉農一年之計一夜窮雖有人力無由逢

打魚網嘆

山川信美何處無只許漁翁把茅居四時風雨俱占斷詩
人琢句空長吁漁翁平生家累重得魚入市日曛曬裏益
糴米了晨炊依舊尋魚波洶湧山川雖好儂不知只知取
利他何為羣居出巧結新網名以攔江縱所施鯉魴未免

僅出入切勿因香戀微濕破壞好景是漁翁不用健美琢
句工聖人設險今重險取與不取戒以漸

小雨詩

墨雲偶過雨數點萬葉辭柯霞出掩風聲怒號作新寒斷
溪曲港路艱險山中之民屋蓋茅豐歲往往成樂郊分有
大小隨分足旋折豆稽煨冷粥

采葢歌

采葢采葢漸綠葢山昨夜雨霑足越女提籃入市論
價不止金與玉開時花似蕎麥花亦能蔓生走長蛇龍肝
鳳髓久無味却尋夜菽新矜誇聲名在世多相忌最厭薰
猶同一器我歌采葢非虛辭采葢歌中有深意

秋蟲篇

縣樓漏鼓聲逢逢秋深夜永睡未濃
 牕前秋色已可掬枕畔秋涼能暗通
 偶思向來所歷事記一忘十馬牛風醒然
 如寤或省起四壁不耐吟秋風蟲秋蟲賦命抑何小
 穀則深大淒而雄艱難七月陳玉業警戒再四由姬公如何秋蟲
 蒙好語意謂有漸將成終初非卒然來徑去有如疾風轉
 孤蓬入我床下散更切恐我佐邑務纖洪情知官府印窠
 大不信民間機杼空就中懶婦絲未理狂謳野舞廢女紅
 競言秋蟲非促織自是合歡人不識遺事開元綠牙作籠金
 作柵萬錢爭買成戲劇撫枕三嘆忽成詩秋蟲秋蟲竟何
 為汝喙從此箱汝散從此辭不平之鳴汝何預宵爾之織
 汝無衣自形自色雖天付我欲睡矣汝且住

懷仁畫龍

懷仁兩龍今幾載墨色欲盡形模在有時驅雨成波濤妙
 處暗與神明會三江七澤龍所居夜深籟弄明月珠為人
 圖畫雖左計不識憑依當殿隅世間紛紛稱畫手誰識懷
 仁是劉叟龍兮龍兮神其靈長使邦人書大有

前日昨日行

二九相喚不出手婦人紉衣先紉袖門外霜風吹倒人相
 見玉壺冰舊酒去年家居坐竹牕日陰移處梅梢長今年
 負丞在山邑並海寒氣非尋常前日昨日風四起頃刻凍
 合省河水鴈宿蘆花亦倦飛只待桃花初水肥

望雨行

去年雨多浸坤軸排簷日日注銀竹菊花已老強飄黃荷
 葉雖枯猶護綠今年梅雨久不來暑風吹乾生塵埃苦求

涓滴潤田畝敢望激灑添酒杯昨日雨意十分好雨穀不
斷真是寶誰知好處放些慳尚使老農惱情抱拙翁負丞
方五旬為民致禱施殷勤飛雲漸黑開又合戀戀未竟林
花紛

題鼠狼捕雀圖

三雀相逐枯竹低鼠狼睥睨雀高飛可憐一雀翎翅短天
寒日暮充爾飢充作飢腸僅一飽雀雀悲鳴猶未了至今
不敢眎枯竹揀得寒林深處宿

題禪鄉院壁間墨梅

昔年曾作梅花夢夢回衣上寒香重矮牕偶見一枝開早
是江南春意動凡花不似梅之清精神骨相由天成屢從
畫手細傳本但知刻畫非寫生官塘荒寺門斜掩歲久廊

軟風雨颭不須晴雪明平堆積喜墨痕留數點

潮詩

人身日夕何曾休血隨氣運長周流偶然逆轉背常理未
免凝結成贅疣少年每誦海潮賦徑以人身為譬喻君看
沙漲潮頭回卻向別流亂衝去攔不住潮頭從此失故步
人身調養勿傷和潮汎緩來爭奈何

羣牛浴小港

羣牛見水身半濕水淺泥深蹀全入搖頭擺尾緩緩游羣
牛相呼卒未休牧童在旁短鞭指童既無言牛漸過人牛
兩忘日自長水茫茫兮禾蒼蒼

多稼亭

前年毗陵登多稼萬頃黃雲在亭下斷碑依壁毫髮微擊

壤老人歌聖化今年負丞到會稽州園瓦影碧參差中有一亭容數客鬱鬱兩字標璇題吾聞國以民為本民向東郊事耕墾與民同樂識見高秋成沽酒來遊遨

大定戊子予被朝命置河南路匠丁部帳時先大夫通奉君為歸德幕官以是得留侍下累日及歸先君以石曼卿柳枝詞贈行拜而受之縑素故弊而遺墨宛然有龍蛇飛動之狀信乎曼卿神仙中人也遂藏諸篋笥宦遊南北凡二十五年一日發篋笥曝書恍然如隔世矣霉爛殘缺殆不容觸計其字三十有四今之所存者惟二十六焉中間兩字又隨手散去予撫卷太息顧謂兒輩曰此先君所賜其可舍諸即命兒子欽哉摺摺餘字遷就成詩頗有理致乃求匠手

剪裁裝飾易為短軸以為子孫世世之藏作是詩以記其事云

芙蓉仙人氣如虹一日痛飲能幾鍾酒酣耳熱吐奇語信乎落筆翻蛇龍當時好事藏華屋錦標犀軸不容觸五行三十四驪珠零落惟餘二十六殘縑歲久蝶飛騰知閱人間幾廢興正如身輕一鳥句欲補脫字嗟誰能惜哉尤物今如此付與吾家小兒子收拾餘字感成詩遊戲不妨聊爾耳詩成詩翁嘆且驚怪得隳括幾天成五侯鯖自有真味半段槍庸作短兵我聞昔者周興嗣一夕區區綴千字空教鬚鬢變新霜百巧百窮成底事吾儒家世重青氈已廢復完豈偶然父子相承固難矣子孫常保母舍旃山中老人送蕙花山荷葉因成長句

山中老人久不見忽然遇我清溪濱手把幽蕙數十本清香襲襲侵衣巾向來我曾着數語定是久聞蛛蝥塵老人詳說種蕙法泥酥沙軟水力平亂山深處少人跡斂藏不耀席上珍即今得登君子堂藹然能被天地仁小盆別種山荷葉種時近水開晚香青青之色亭亭立似與巴豆為弟兄不然太華山頭種小變厥初翻樣新草木至微同是性出處一異虧本真老人前身恐是郭隨緣衣飯甘淡泊爾雅讀書吾未能聊為老人書為畧

明月堂聞松風

此去中秋纔七日明月堂前秋可即山深水遠斷人蹤僧云居此探消息老松夭矯雙鳳翔翠色依月新凝光神仙所居無乃是我來訪古摩蘚蒼夜長月正當牕白風入松梢敲劃劃娥江元自通濤江脫似江湖撼僧牀君不見東坡先生豪一世寄語重門休便閉胸中吐出黃初詩詩勢如潮曼無比又不見后山居士真神仙每遇奇觀精神生悠悠江水流不盡晚日浮沉潮勢平披衣起坐寂無語松影參差復如故風散四散不暫停遙見江流趁東去

簡曾舜卿

三十五日不見君今番罷訪又三旬喜君風度勝似舊未暇取酒細論文西関之西蔣灣北隨分有數間屋只待梅花摘索開共君清賞意自足

蘇李河梁相別圖

古人重交情初不分胡越詩句聯珠璣中心瑩日月何人作此圖筆墨已超絕因圖想當時交情重於別君不見朔

風漠漠沙草寒子卿仗節歸漢班河梁執手不忍去安得
同飛無羽翰

陶夢得弼袖詩見訪用元韻

大雅不作詩格變只今知誰傳妙手既愛虛飄狀風雲又
愛雕鏤杞杞柳半生於此寓吾身曉吟夕鍛苦用心可憐
汨汨逐外物未免漸漸虧天真我今久已乾面唾閉門政
要深自坐春來織柳鷺弄散秋至凋葉蛩相和牀頭一卷
古人詩疾讀緩讀莫相疑君不見口耳之學求宗派不問
血脉在不在

十里鋪歌

山容偏向秋深瘦轎行十里日將晝斜斜鴈字雜真行節
節芙蓉攢錦繡向來頗恨日月遲而今翻道光陰驟是中

有策君豈知心要清閒手長袖片言輕發潛禍機駟馬難
追焉用救州家因早授民詞差官下縣拯民飢嗟予竊粟
慙一飽破裘短袂肩相隨君不見流行坎止言所寓初程
且到十里鋪

雨後生涼絡緯聲清可愛

元蟬聲清入吾耳暑氣駸駸猶未已殘花挺挺留鹿葱嬌
態娉娉是荷婢偶然一雨雲紉裳池邊雨過風送涼小蟲
深集楊柳影一段笙歌清更長

東坡祠詩

先生筆端倖造化妙歲清名滿天下久知富貴等浮雲已
悟世情同啖蔗置居陽羨山水妍滄滌埃塵聊稅駕豈知
地主無所容天地雖寬如傳舍一朝焚券還其居意氣不

迨愈閒暇年深此事竟莫傳欲紀詩篇愧陶謝先生祠堂
幽且深今人那識古人心但把丹鉛較形似滿廊遺像成
兒戲

象田老饋山茶用東坡先生韻奉寄

前時着脚清淨房山童殷勤進山茗半杯春雲滿晴空午
困膏騰頓能醒山深有鳥散清圓俗名搗藥頗堪聽從來
不起市朝想定亦久知存所性何如搗藥伴老衲疾去
盡竟歸正數株寒菊帶秋清一篆香烟留日永顧我服官
走芳塵心雖超悟力未猛氣猿意馬難同防未免少縱肆
頑獷人言茶味怕齒知日漸月漬遣胃冷不然除臆立奇
熱氣象森嚴費忠鯁建溪早芽細如針來春喊教徧山嶺
銅模新製號鳳團絳紗斜紉護龍餅竹窓拂拭金石堅碾
破霏霏光炯炯舊曾識此今罕見山茗一旗生舜井冠裳
不加貌自若厥包斷不請僥倖須知老衲定中人任柳生
肘木生癭

獨孤憲公檜

古人教名期不朽一言之謬如此酒今人隨世就教名浮
雲變滅無不有詎知老杜可嘆詩爭似憲公當陞奏文章
遠繼商周作氣骨已逼秋山秀晚分符竹行其志務在人
民安畎畝仁教既遠姓氏傳遺迹長存鬼神守老檜杖屨
枝幹古參天黛色猶衝斗終然依附得聲名孰謂令人不
如否

立冬後述情

山城並水寒較早駕瓦新霜寫花草五朝三朝風蕭蕭九

日十日雲飄飄秋將歸去冬又至寒色不遮萬山翠小牕
倚徒片時間有美人兮隔江水

田家歲晚

田家春米盛土倉祀竈新繪鯉與魴粥分口數願長健不
賣癡呆儂自當熬火照天雨蠶好打灰如願從所禱一聲
竹爆陽春回城裏看燈歸已曉我生把筆作耕鋤年餘三
十腹空虛不如爾農隨分足只怕門前人催租

石人行

君不見深閨有女禮自防心事炯然並秋霜江頭日日望
夫壻願身成石立道傍人傳其下多風雨天地默與之低
昂靈犀一點磨不盡厯歲既遠名獨香因思萬物皆歸寓
獨許頑質加冠裳刻形肖貌此何態儼然如在端而莊惜

哉愚俗竟莫擬翁媪同處天一方嗚呼翁媪計雖得胡不
為柱支明堂

纂風浦

短茅黃瓦排門戶祖父從來在此住不思城市好風光只
要秋成有分數年年借本事荒田探前望後庶有補海門
相近潮吐吞不似今番難撐拄夏初幼婦生小孫嚶咿作
聲求飼乳婦飢苦語出肝腸搖頭怕說纂風浦

喜雪童謠

屋上三日留乾雪添得人間訝奇絕不須待伴窘風雨只
要呈祥了時節小兒戲拾疑是花舞低婆婆最堪誇最堪
誇處漸堆積生寒到骨思歸家
雪飛不已戲作長歌

清溪怒號多北風乞水來自河伯宮多應飛雨作寒色呼
吸雲氣鞭癡龍冬深高木欲欲折那有卉藥成纖洪造化
小兒一餉戲蝟瓊鏤玉何其工庭前娑娑萬花舞春意已
遍翡翠叢可憐世情多冷眼怨客竟欲訟天公了知妙處
不用力豈為汝輩眼目供明朝晴鳥耀燭龍向之幻景須
臾空

止雪用東坡先生韻
常年有句唵雨葉今年只了唵飛雪社中誰是錦繡腸令
我褫氣嘆妙絕固知天運陰陽戾那問家園花草折逞妍
妬舞費斑鏤幻色潛光亦消滅前時有句送渠歸日華搖
金雲暗掣滕家娘子耽清游瑣碎回風到簾纈只須頭次
陣堂堂底用十番空屑屑民家束縵帶濕炊醉客糜金漫
飛瞥海隱來徵鶴隱句恰如白佛偈重說昏霾未見天清
明石炭儼鑄一寸鐵

即曰老婦一市
蘇魯或謂來
論對白
白
重
結
合
未
具
天
去

數月耕耘望有秋
滕高尚被怒潮侵
早禾結秀芒初銳
鹹水交流力不任
病媪抱孫聲最咽
濕痕滿壁色尤深
因思坡老詩章妙
遍覽荒蔬伴晚斟

溪上

水痕依綠四無邊
雨脚垂簷細更妍
楊柳不遮愁處眼
牡丹猶倚醉時肩
紛紛燈火疑星燦
汨汨聲名類蟻旋
閒凭蓬牕仍舊開箱重
為整詩編

贈壽張令張同年

君昔能為古戰場
我時猶未擅靈光
龍門共駕桃花浪
蟾屈平分桂子香
久閱想知懷抱惡
相逢驚怪鬢毛蒼
夜闌更燭都如夢
且置升沉促羽觴

夷門郎中用翟美之韻三首

塵埃書劍倦遊時
行李都無儋石資
窮猿投林豈擇木
飛鵲繞樹無棲枝
夫子弊衣非病也
王孫寄食誰哀之
西風萬里正搖落
回首間關有所思

五斗區區未濟時何嘗伏臘有餘資天寒騏驥思千里日
暮鷓鴣借一枝須信人生如寄耳重嗟吾道竟何之好將
忠信為憑杖大地皇天亦顯思

公卿難得黑頭時羞澁空囊屢茂資渴死鮒魚求勺水新
生黃雀上高枝侯門似海誠然耳天道如弓信有之每欲
上書求自試愧無才畧敢陳思

道過玉田望小泉北山有感

悔把魚竿取次拋却將懶手向人抄朝班日日多新進鄉
社年年減舊交老矣吳牛疲月喘枵然越鳥望南巢北山
應怪歸休晚夢想移文每見嘲

檢早泂海登廟因誦東坡凶年倍覺野蔬香之句口
占五十六字

常和暖日漪漪青衫漫仕安愚分白酒初芻滿屈卮竹外
流螢三兩箇微光猶足映書帷

西村

籃輿軋軋過西村小麥青青雨露恩山色無窮開遠近民
家守分度昕昏僧精持課歸林下客自携尊醉竹根每日
塵氛牽百念要須結屋浸溪痕

南村

郁李花開春漸殘海棠猶自映杯杓燕隨風舞迎人暖鳩
喚雨來連夜寒兩水中分清可燭

上陌澗水一自石瀨一
白竹塢合流自青林

廟前匯羣山環揖秀堪餐兒童成隊逢寒食紙剪飛鳶貼
入湘溪

霧端
病起

秋深雨意轉連綿聲到枯荷清未眠久悟是非姑掩卷且
看童稚互攤錢園蔬土潤青堪饌逕竹行疎翠可憐曠喜
病夫今已健碧腴膏莫問人傳元微之病瘴白樂天
自長安寄碧腴膏

象山住持僧于修求詩戲題五十六字

的知前聖定曾來山脈深長景漸開霜幹都無新氣象風
幡不染舊塵埃漁樵雖過何嘗問父老相傳莫浪猜慚愧
修公堅有請依前題作小天台

竹 催雪次韵韋中寶

海隱方搜催雪詩韋郎落筆補新辭雲邊花舞瓊千點座
上風流玉一枝如許寒光宜應瑞不勝幻色又添奇政須
淪茗清靈府盡把文章潤色之費補之謂中寔云古人有
催雪詞未有作催雪詩中
寔賦此詩時雪已
舞花故終篇及之

天機詩

汎觀物理任天機莫泥春殘事遽非蝶粉鶯衣陰處泊燕
泥鷗雪中歸裝成閒景真堪翫寫入清吟細解圍一榻
涼風清午暑拙翁睡起理絺衣

同鄉人別朱希文察判于詠春亭

今春醪飲詠春亭水閣山遥眼界清前度來時多值雨今
番到此却逢晴蠶方三幼餐乾葉燕喜雙飛泊短楹小別
諸君休作惡陽關四疊不須成

家園二首

當年迂叟圃初成野草閒花不記名康節巾車臨小徑東
坡詩板照高楹久知氣象歸前輩擬學規模愧後生惟有
至公能格物莫將險躁起心兵

堪笑吾家五畝園新添石岸築雲軒眼看流水清無底面

揖羣山翠欲奔，拂拂好風涼。入座娟娟明月，履侵門弟兄。
歲晚團團處，自摘青蔬薦酒尊。

次韻韋中實閔雨悶

與世相違願不才，春殘花底尚銜杯。詩從碧霧愁邊得，門
向青山好處開。東里沈君投檄去，西隣韋叟趁閒來。喜無
俗駕知予懶，坐看庭陰閔古槐。

偶成

前朝晴暖昨朝寒，細雨催花聲不閒。處處閉門掃蠶蟻，家
家垂柳隱綿蠻。東灣泛艇看人渡，北埭扶筇向晚還。惟有
羣山怕陳迹，輕烟冉冉薄螺鬟。

虛庭

虛庭幽閨日陰移，旋拂藤牀近小池。雲自悠揚峰疊疊，風

世人大半愛漁樵，不道漁樵心志凋。漫釣溪魚臨月夕，每
沾村酒怕霜朝。檀欒男女衣藍縷，澹泊生涯舟蕩搖。偷得
片時相對語，從頭至尾盡無聊。

閒中憶曾舜卿知丞

官舍如舟近古河，隔河老木尚新栽。森羅星象螢分度，經
緯水紋魚擲梭。月滿秋容隨處好，風含涼意向人多。香蒲
泉石供清翫，遙憶騷翁在澗阿。

宿等慈僧房

小小禪房若個寬，氎巾楮帳護幽閒。貪看天外雲千變，忘
數簷前竹幾竿。老衲呪經祈雨切，矍翁煮粥當晨餐。早知
一念能持靜，不學槐安蟻走盤。

姑惡

一雙姑惡屋邊啼飛入垂楊伴夕暉不悟形骸非昔日但
思怨恨沒休期婦聞嬾語猶翻悔汝得佳名免此譏事事
直須存分義從今緘口莫相疑

冬晚

冬晴日暖如春天黑雲忽過雨生寒定飛柳絮呈農瑞未
放梅花到酒尊雁尾無多更舊歲筆端不韻祇陳言須臾
刮地風聲壯吹折南牆老竹根

冬後書事

兀坐茅簷意自閒哦詩因得數苔斑一番雨過歸寒水數
片雲浮疊晚山近日陰晴多不定自來冷暖不相關春深
泛棹清溪上穩釣漁村三兩灣

天機詩

雨

一片雲飛雨趁來常年此候捷如雷滿天盡黑都吹散俄
頃還明又復回準擬却無真失望等閒易有竟難猜化工
若念農辛苦早賜傾盆亦快哉

巧夕前一日雨

天時人事逐番新轉盼初秋感慨頻月傍銀河移扇影天
留絲雨洗香塵民間但欲逢豐歲酒裏何妨換好春一笑
且隨吾意適燕支菱芡伴盤珍

偶書

事業從教下瀧舫一年竊祿在江臯腥汗砧几憎蠅賦愛
護文章却覺刀風納浮萍雲疊岫日藏老檜雨翻濤深慚
無補公家事只願年豐弓載橐

聞方子若孺寺丞詩二首

清時補外駕朱轡德政碑成連帝閣都把功名重竹帛盡
留官職付兒孫生前花藥千株在身後詞章幾卷存履道
宅邊雲黯黯知誰掛劍酌清尊

憶昨家君出帥時惟公英氣少人知要除五事心常在費
盡千言氣不早渺渺淮波紛櫂楫晶晶霜日照旌旗論功
未盡還知否應有名賢為立碑

收潘廷亨遠訊

舊年淞右水連天聞說閩中水亦然官裏勸分雖遍及民
間慳糴為無錢大風拔木揚塵土細雨打花空媚妍甲子
一晴差可喜農家只願屢豐年

題蕭照漁樵對語圖

暮合愁偏聚孤家壘壘日易斜

甬東

侵晨風雨閣城樓渺渺蒲帆海盡頭遠景暫煩雙目送清
游不負此生謀半盃綠蟻衝寒色幾箇白鷗分客愁相近
梅開遲雪舞肯容興盡剡溪舟

池邊

簿書才了聽蜂衙閒到池邊景轉佳雲亦有心時散影風
都無力晚生花勞神空覓三年艾妄想休乘八月槎睡思
全清還解否欵瓶新淪建溪茶

書考

二年薄宦在金臺牆角雙扉向晚開罕有金貂來換酒且
看野馬共浮埃已書下考甘平進久律吾身愧不才却喜

清貧如昨日知心相識自然來
負丞虞水恰年餘誰信官居似野居乍起柳風清干枕久
因梅雨理殘書眼前毀譽何須較酒裏功名定不虛只把
廉勤替疏拙翻嫌苦苦學懸魚

紅梅

天然標致出羣品綠葉青枝說太狂卯酒醺酣紅玉軟春
風觸撥瑞龍香清臞尚餘山澤相淡薄強隨時世粧更道
北人初不識杏花應不敢承當

春時

兩日閒為汗漫遊溪邊長是喚扁舟杯盤草草同真率笑
語悠悠得細酬別墅橋歌泥沒滕東園亭小雨霑頭時寔
事不知桃李都開遍更起殘花一醉休

半生成底事鬢絲零落不勝簪

豚犬夜誦東坡贈王子直詩堅索次韻余率然成章
可笑深不自量也

年來典盡鸛鷗裘遠宦深漸馬少游痛哭恨無裸國論偷
安終不為身謀誰憐饑虎空搖尾却羨寒龜暗縮頭但得
渭川千畝竹也勝霜鬢取封侯

田元長和煙字韻詩見寄復用前韻

幾年無夢到凌煙身似春蠶已再眠寡合荆人和白雪獨
醒蜀道上青天漁樵好去任爭席富貴儻來羞執鞭見說
高真足官府不妨長作地行仙

用文伯起韻

老人癡鈍性可憎微子誰與為友朋久廢未容收穎馬一

呼寧復責饑鷹無緣下榻留徐孺好去登門訪李膺吾道
不行吾已矣短桴浮海要同乘

和曾舜卿秋日偶成

久無名酒共君傾靜對谿山悅我情雨沁荷花多退色風
穿梧葉強成聲乾坤納納從來大歲月堂堂未用驚甚欲
著書傳後世只愁議論太平平

樓源清叔舊有詩云樹冷鴉啼月天寒鴈帶雲曾叔
卿足成四韻又有詠雪詩云來從天外無非雨散在
人間盡是花亦佳句也清叔死已數月因用後二語

為詩弔之

見說樓君用志佳曾吟雪句被人誇來從天外無非雨散
在人間盡是花偶到銅陵尋舊友歸由宣郡弃生涯碧雲

暮合愁偏聚秋寒日必斜

寄曾兄

富貴功名莫問渠閒中氣味復何如年來格外添新句夜
靜燈前理舊書用拙不勤存我性得時未免駕高車君家
文獻人難比會見芳名上玉除

次王子元韻二首

眼看珠玉混泥塗奇貨何人解與居賣劍買牛知已晚壞
車殺馬計何疎卑飛莫辯鷄羣鶴高義難兼熊掌魚却羨
臨川王介甫愛君獨上萬言書

皮骨三年走道塗移文良負北山居甘貧我固輕諸阮勇
退吾猶耻二疏好着短衣看射虎休彈長劍為無魚人生
識字多憂患飽睡從今莫讀書

用秦少游韻二首

春風花草繡林臯索莫誰憐止酒陶晚學文章真末技蚤
知州縣亦徒勞年光可嘆石中火人事休磨笑裏刀分外
更須貪富貴如求兔角與龜毛
未工射雉怯如臯欲掛衣冠慕老陶莫為功名多戚戚須
知身世兩勞勞求魚切戒空緣木買犢不妨先賣刀未有
田園作歸計年來留滯感潘毛

戲用東坡先生韻二首

冠世文章李翰林掀天功業漢淮陰抹靴捧硯榮雖甚受
鉞登壇眷益深遠竄夜郎揮老淚生擒雲夢負初心窮泉
二子應追恨不解君前早脫簪
倦看冠蓋鬧如林夢想扁舟破晚陰步月南樓情不淺卧
風北牖珠殊深朱旗黃紙非吾事木板青衫負壯心游宦

互吟閒自在三三兩兩咏莓苔

半生成底事髮絲零落不勝簪

夜坐

青燈點粟伴牕幽檢盡詩篇倦即休萬事如雲同舞燕此
心似水羨飛鷗客來不過談閒事我壯須當辦小舟雨雜
風聲欺客枕清眠無夢兩悠悠

久雨

今年梅雨已淋漓梅盡多時雨意癡漫說池荷能潤色豈
知岸柳亦顰眉一天黯黯雲陰殫六月清涼客子宜兀坐
小樓香半綫紛紛萬事只心知

梁湖夜望

秋帶涼風葉互鳴風隨潮汐候時生導源甚遠紋微起乘
勢初來花轉輕白鷺幾枝閒可畫青山數點曉猶明偶來

又得詩中計久矣難成五字城

和中秋韻

月魄詩魂鬪清卻嫌歌管揭危亭遙知山鬼形難遜誰洗
天公眼暫明物外風光何晶晶人間燭火漫熒熒酒狂徑
欲騎鯨去一拂鴻蒙散宵冥

奉寄曾舜卿二首

我與嬾翁非淺交向來寓止在西郊繞庭草際綠浮色滿
檻花稍紅解苞只要同心勝膠漆豈緣一字倩推敲四年
會面休深嘆辛苦揚雄述解潮
一幅吳棧秋滿天幾回書字欠人傳知君性嬾存吾道顧
我官閒只舊年詩句鍊成猶未穩酒杯空泛未曾傳庭前
栢子西來意近日能明若箇禪

足軒詩

人爵何須戀倏然郭外居隨緣常二滿散帙富三餘劖石
梅花賦堆庭柿葉書呼兒邀客至反權或巾車

定軒詩

門前流水競洗盡市塵交秉我中心正從渠異說繞向來
多肘柳近已去心茅隱几觀天地晨曦動翠梢

四月初五日自白門之丹陽宿於驛亭中是夕風雨
大作

輾轉耿不寐青燈遙夜闌關河千里遠風雨一牕寒旅食
腰圍減征鞍驛肉酸想知雙鶴髮朝多望平安

感昔

先君年壯日邂逅鄭當時把酒對今月彈琴論古詩眼前

多俗韻微外少人知除邵瑤山老無繇訪斷碑先君舊年訪碑市鄭

正月尾雪

今歲春來晚晴寒比舊添雲深天欲雪風定瓦堆鹽幽艷
迷瓊屑前山隱翠尖詩人疑是瑞就喚野人占

觀薌林堂帖

功名落落俟天時險阻艱難定漢基老子掛冠從早歲諸
公頌德盡良規既知中夏馳清譽合去薌林賦好詩事到
百年方始定晴牕細與拂烏絲胡文定以扶持三綱推許向公持

新晴

披披雲陣從東去薄薄晨光向北開花態最嬌依宿靄柳
枝無力輓香埃心清更覺虛簷遠事少緣無俗客來野鳥

千年在身安萬念忘詩情亦漫興何暇細商量

再用韻促季文結水邊亭

一朝飛驥足十載嘆龜藏臨水軒亭好逢人笑語涼須先

心地遠莫厭斧聲忙未數漳南景裁詩拂薌蒼宋劉繪張融周頤一

時勝士居皆連墻故朝野為之語曰三人共宅夾清漳張南周北劉中央舜卿與朱季文盧子長並居故云

寄題富沙倅廨靜涼亭詩

南中多暑氣來覓靜涼詩但得政無擾自然民不欺亭中
人蘊藉欄外水漣漪想見賓朋過銜盃樂聖時

和朱季文即事

種竹多臨水山隨雲影藏夏深元有暑秋淺未全涼箇箇
飛螢入雙雙歸燕忙幾年觀物理不復叩員蒼

將歸

將歸浮小艇水色添綠痕楊柳迷低岸鶯花滿舊園日長
迎雨燕沙暖起風鴛眼界須當濶臨溪築小軒

歲晚

水飲風生壑雲深雪滿天寒光憐袖薄瑞色向梅妍淺酌
生春酒酒名閒賡餽歲篇吹燈看家信獨步到牕前

拙軒偶書三首

歸來開一室復以拙為名道在何妨小身閒不用榮柳絲
愁斷續花靨笑輕盈只此觀天運逢時物自成
廊深人罕到益友兩三人得意文章妙相忘情味真蜂來
窺研水燕去潤香芹如此逍遙過胸中無點塵
侵晨門外立山色已浮春斫竹流溪水提籃擇細鱗柳濃
將作絮梅小未生仁自拆紅泥酒歌呼到北隣

舟宿隄邊寺天虛露氣清秋從今夜冷月比舊時明水鳥
紛紛下墟煙冉冉輕田家生計好不逐世間名

家園夜月

荒畦多古木月送影婆娑須信閒中好翻嫌塵事多簷低
排遠岫堂近俯清波夜靜頻來往漁樵互奏歌

來鴈

雲外新來鴈風回字倒看深知吳地暖生怕塞天寒水國
沙汀遠西疇稻粒殘排羣宜穩睡報夜喜平安

宵征

澗遠泉聲激山回月影重宵征滿涼意曉色帶秋容衣薄
初霑露橋陰久傍松茅簷因雨濕催織是鳴蛩

伯牙瀆

古賢真好事，讀以伯牙名。岸轉天無盡，春回草漸榮。當年流水曲，今日賦詩情。可惜知音少，令人恨未平。

張涇漚

我閒尋勝處，人自號荒郊。木老含生意，橋迂接水坳。浴鳧歸艇集，戲蝶野花梢。况宅吾宗遠，虛勞嘆繫匏。

穀日

姬旦陳王業，農官報歲功。新晴春滿野，宿霧曉披空。賣卜煩鄰叟，知時訪老翁。更須圖夕雨，土脉盡豐融。欲識田家趣，清溪曲抱村。齊民當日術，學稼古人言。瑞實歸千室，餘功到小園。元機亭育際，始見道尤尊。

夜宿育王莊北牕

破壁排矮牕，新篁出粉牆。開尊侵綠色，得雨借初涼。名保

柳下詩卷

退之名振世，無本肯從遊。既以吾儒重，方知異說休。不才空刺語，馳譽勝荒丘。樸老深於律，遺篇處處留。

偶成

細雨遲春色，閒雲接曉天。清時依薄宦，秀句近華牋。地冷梅枝少，川明竹影圓。翻思年少日，折柳繫漁船。

花事

立春踰十日，猶未見芳菲。雲葉垂垂滿，簷絲緩緩飛。池魚寒未上，林鴈暖方歸。因靜無思慮，由人論士肥。

芍藥

春意垂垂盡，名花續續開。誰知傾國色，元未著香埃。曾向蕪城見，還驚苔水來。貪看詩律細，忘覆掌中杯。

春盡

韶光餘十日明歲又重來柳外黃鸝怨山中杜宇催一番
風送雨幾處錦成堆且飲深盃酒携筇緩緩回

隱者

山蹊通綫道舊有隱人居生計多藏芋秋盤近薦魚簷牙
松得壽籬角草堪鋤只欲逢熙運誰能更上書

雨後

雨後秋容穉雲遊日色微遠山依舊瘦汙水已新肥燕子
稀疎舞螢光冷淡飛官閒清到骨無是亦無非

秋色

野闊因秋見山高入霧微曉看天色暝午更宿陰園有地
堪容隱無言且息機為知閒處好不是厭輕肥

夜宿

初秋夜坐

酷暑秋仍有臨流興未忘好風吹過雨午夜得新涼促織
聲偏細春鋤立自雙人生隨處好最好是家鄉
夜深天籟息露重月華新此去何須懶從來只任真入秋
山有色積雨水生粼萬事乘除耳一樽聊可親

雨

傍海風先冷殘秋雨漸疎柳凋間搏黍水淨見春鋤游客
惟筇竹民家半草居近時潮候訊玉筋當園蔬

明心院

村東古蘭若門徑久荒涼鶴舞風幡小蛩啞露葉黃潮音
隨法轉茗盃怕詩忙一片墻根石無人為發揚

嘲絡緯

時序方中伏簷前絡緯鳴涼風雖暫至秋氣未全清荷葉
綠偏斷芙蓉錦漸成勸渠莫多事促織又司衡

中夜起坐納涼

風迅中宵起簷虛入戶涼一輪明月影八尺綠筠牀久望
重梅雨閒尋晚艾香天河漸分曉結語問牛郎

趙紫芝詩卷

天樂無他好精神盡在詩墓藏山色遠語到水心知名極
天還妬身亡道自垂勿嫌官職小君復鶴相隨

周晉仙詩卷

晉仙新寺住曉夕在吟邊相去二三里聞名五七年西湖
聽鴈夜雪水釣魚天語逸山精泣宜為萬古傳

柳下詩卷

拙軒集卷三

梅

江梅有遠韻不與世浮沉誦我壁間句知渠歲晚心疎花
生古意暖艷淖幽禽此處知誰解霜天啟角音

時雨三首

旬日風消雨今朝山出雲柳深開潤色荷靚匝清芬江燕
新調語沙鷗自引羣農人相賀語田畝可耕耘
時雨催農事庭陰散午涼地寬平野色雲密闕林光送目
孤村外舒情小艇旁斜暉猶返照何必問高羊
矮屋原卑濕頽牆上古苔世間多少事眼下兩三杯詩卷
無人惜涼船有客來明朝梅已斷只是一聲雷

宋張侃著

游西湖李氏園池

湖水平春色名園接香微輕風生翠影細雨醒香霏意足
休嫌野身閒不受鞿隔舟多妓女歌逐片雲飛

歸鴈亭逢所知

歸鴈亭前別于今又五年水深涵落日春晚尚餘妍把酒
聽吳曲浮家入楚天秋風遞消息為問有書傳

黃龍洞

傳道黃龍穴深藏不測淵翠簾依壽木石壁隔塵緣恐有
神仙分來觀古洞天善權知不遠雙鶴舞胎仙

秀州城外

月色明於晝閒登百步橋天低雲宿野地遠水通潮吹笛
回賓鴈彎弓絆落鷗年來無片善所得是風標

張氏拙軒集卷四

詩

宋張侃著

題剡溪圖

欲識詩清處須來天盡頭可人一溪雪催我上扁舟

贈別

野樹參差綠山花零亂紅夕陽一樽酒聊與故人同

雨中

寒山草木疎蒼翠因雨濕日暮來不來前溪借簑笠

荷珠二絕

雨細成珠琲紛紛入綠荷綠荷無不溼傾處又成波

塔遠滴成聲荷深圓又碎風動水銀收亭亭開翡翠古語

雨滴空塔滴入空塔裏空塔滴不成滴入愁人耳

智果院

前輩經行處壁間題小詩梅花還好否要見出塵姿

嘲梅花

絨纈怯寒風清香已暗通數株籬落外生毓任元功

梅花謝嘲

騷客多吟詠無非泥酒杯君知儂淡泊歲歲幾番來

梅花自解

孤根在寒谷無分逐東風流輩剛言好中心只固窮

理髮有白者

今年三十六吾髮白雙莖不耐秋霖滴愁濃遣未平韓致堯詩

一滴秋霖白一莖

春去

春去留無計殘花更可人多情玉蝴蝶隨雨伴香塵

題鎮廳西軒

焚香覺心清觀書消日永門前剝啄稀且喜官職冷

十五夜月二絕

閒來庭下立月影照人清偏到中秋好遲眠已四更

秋光初破蘂香遠逐人來多是蟾宮種何妨兩處開

十六夜月二首

昨宵清不盡今夜月增明想見清虛殿水輪漸漸生

松風傳地籟花月滿庭心記得金臺下孤樽細細斟

王梅溪題玉枕峯二絕

靜處翻千偈忙中認一身忽看枕峯句便作是非人

向來雲影卧今日復如何不是相知少人間險處多

中秋

中秋添月色攜酒上金臺世事無窮盡江山入句來

禹廟

當時計水功直為萬世利梅梁破浪歸底事成兒戲

題鴈山行紀

當年鴈來游少憩從夜氣自從開此竒便有草鞋費

示法果院僧則

山深雲卧冷結屋在山椒我意如雲懶隨緣聽海潮

贈仁上人

百漏船是其所居

塵事紛如掃僧窓對竹開欲酬清靜債一歲五番來

天竺逢僧禮

于今僧輩少學業又全疎日莫山深處相迎有浩初明易

用浩初事

秋魚眼詩

江湖毓羣魚水大隨所揀柰何世上人尋到秋魚眼

寒蘆四鴻

蘆葉滿沙洲鳧翁取次游生綃纔半尺占得江南秋

見山真見山翠滿簷楣間屏几漫畫障意足水墨閒

救婆廟二首

曲徑接山阿行人說救婆須知閨室女識見已爭多

海水有枯竭喬松易摧折高名萬古存地志書英烈

對酒

柳絮隨風舞金沙貼地開為綠春滿眼不厭酒深盃

偶成

風暖輕拖練天寒皺作鞞江湖只如此今古幾消磨

戲題

雨後露華白風前嵐氣清秋心愁不展閉目睡難成

桃花菊

誰將秋菊藥故作小桃紅輕薄隨時好飄零風雨中

雪霽

微雪寒侵煖新晴風掃氛天公念穡事秋稼定如雲三月十六日

日雪二十七
日甲子晴

蘇成之甫盛庚申歲相別甲午歲方會甬東

憶與成之別于今廿五年今朝復相見話舊竹牕前
世態頻頻換君心炯炯明能言少時事滿座便風生

雨中

風清園蝶粉猶輕雨冷吳蠶繭未成盡說溪村年事好又
添漁子笑浮生

春去

橫雨顛風勢轉加紅情綠意不容誇明朝春去忙如箭滿

市人攜謝豹鮫

浮來廟石自刻
中浮來

仙槎飛去訪牛郎頑石浮來立道旁能使鄉民知所敬隻
雞危酒卜豐穰

梅子

一株綠色未成陰干點微酸已沁心雨露功深人不識摘
來先與了清吟

今歲朱櫻紅熟樽俎間日有此品口占二絕

積雨淋漓花頓空櫻桃滿樹漬猩紅相陪從事風流裏遙
想香橙搖落中

櫻桃顆顆滋春雨橙霧霏霏遡曉風出處不齊休比並一
尊今夕與誰同

秋後積雨起水曾舜卿朱季文有時用韻作俳諧體

田家苦三疊

秋雨霖淫數日間耳邊未聽雨聲聞農子愁無寐心
願烏雲且入山

涼

岸水乾忙衣袂冷旋炊濕稻當家常連年成熟今年水誰
信微陰能奪陽

積雨陰風驟作寒又吹濁水浸牛欄須知此去盤中飯一
似鮎魚上竹難

積雨後農人岸水曉夕車聲不已

萬頃早禾迎秀色一天畏日耀炎光滿倉陳腐將何用細
聽車恨最長

犇牛梅花開最晚因讀墨本坡翁和楊公濟梅花詩

信筆四絕句

二年孤負觀花眼少見江南第一枝細讀坡公當日句恍

如玉立耿疎籬

平生正坐花開早不奈顛風一夜吹絨鎖芳英春意鬧轉
頭青子已盈枝

開南闕地遠連天好種梅花作玉田待得開時携酒去旁
人疑是飲中仙

積谷山前數種梅常年携枝走千回而今寂寞金臺下獨

對停雲把酒盃

金臺中秋

桂子吹香清不眼相逢還在翠屏邊一輪明月依人好兩

載中秋特地圓

予官金臺兩逢中秋俱有月色內表蔡孟聲自武陵試回云中秋日大雨

鑑湖別島二絕

坡老當年乞鑑湖君王未肯付珪符清名凜凜照人目欲

倩丹青成畫圖

鑑湖別島對青山山下菰蒲獵獵寒最是曉烟收未盡春

鋤閒立景尤寬

東關二絕

放翁詩裏想東關舟到東關雨逗寒只是當年舊山色水
邊誰似白鷗閒

瓦屋三間水半篙雞豚村社寄吾豪早知城市同耕鑿悔
不從渠泛小舸

觀三賢石本墨妙

字既因人傳者多人能累字又如何誰知異世三君子字
與名同保不磨

秋葉二絕

繞憲山水富清研古木陰中隱亂蟬一葉迎秋無盡日勾

萌還復待明年

花木榮枯又一年誰知生意妙難傳君看亭側數株柳幾

度風前吹細棉

觀梅用東坡先生山字州字兩絕句韻

冬深水涸未潺潺數萼梅依翠竹間待折歸來占清賞不

須移近小屏山
只怕花開眼界幽
香中一點絳人愁
問渠偏向孤山好
時復飄香入帝州

舜廟在龍山石
水來江尾難分燕
山到崖頭合號龍
見得人心尊萬乘
片帆飛過亦朝東

春日覽古四絕

疎梅晚晚千年秀
穠李韶華二月初
試訪前溪歌舞處
斷烟斜日照平蕪
游人拾翠蹋青歸
疊疊樓臺映綠漪
行到橋西多野色
吳羌山下織簾祠
結廬恰恰對西亭
萬物昭回自賦形
秋晚不妨尋好處

須送客話飄零

西亭即邑西接官亭唐人有詩送客莫辭秋晚龜磯好處西關

曾携壁上鷓鴣杓
來飲靈泉一掬甘
却笑眼花前日誤
竟煩舌本為渠參

鳳鳴洞祈雨三絕

山蹊屈曲費躋攀
來謁仙姑氣貌閒
曾與人間祈得雨
姓名從此徹天顏
洞口流泉清徹骨
崖頭瀑布冷侵人
隔凡不許纖塵入
誰識中潛縱壑鱗
六月官河已斷流
農家無水蔭田疇
我來欲問姑求雨
要勝常年望有秋

初秋

暑氣蒸人病未蘇
時吹涼雨滿庭除
秋來不待梧桐報
妝

點前山景色疎

游東山國慶院院有明月臺白雲軒土人云明月白雲謝太傅所携妓小字也此出于李白憶東山詩特記一時景色王性之記中直言明月白雲二堂是太傅舊跡又誤矣因成一絕

當年携妓漫來游後世薔薇句更通明月白雲成底事誰知棋罷是深謀

十八澗

九磳十八澗邊游風景蕭疎接素秋野草怕人愁有贖尚餘翠色映雙眸

十年前拜四聖觀林和靖象曾有詩為士友諷誦庚辰中秋後十日重游適梅破一二萼再書

孤山山下舊祠堂詩與梅花一樣香方欲向君求剩語忽逢摘索破天荒

萼二絕

春深買得一絲萼絕勝農家碧澗芹却笑吾宗深有托自憐野鶴在雞羣

陳家渡至上乘院

山田疊疊之字轉穉麥森森雲樣生輪與農家生計定纔逢楊柳便清明

宿彌陀興福院遇詩僧妙寧

今宵僧院借牀眠風誤秋聲在枕邊起共詩人談雋永淪

茶新汲礪泉煎

留題餘杭道明山勝因院

人生行止且隨緣不到茲山十五年紫翠屏前久空濶四
時轉景是風煙

感秋扇五首

須信此心元有性苦將濁酒破人愁舊愁未解新愁至團
扇因何怯去秋
人到退時須著力未退之時休向前暑中團扇多勲業一
夜西風亦偶然
班氏休吟團扇句退之枉賦短檠歌行藏用舍皆前定凡
物逢時莫要過
篋中團扇去年攜小字曾書老杜詩今日秋風風漸起要

人收拾自知時

潛歲酷暑又明年明缺秋孤快目前團扇此時還用事知
機原要占人先

村中寒食

八字橋邊春水平三家村裏度清明女郎鼓棹歸來晚却
被風光賺一生

春晚聞鶯

村北村南花事稀晚風吹雨綠盈枝黃鸝暗與春光轉似
怕騷人細作詩

種松添竹口占二絕

添竹栽松眼界寬四時長使翠光團參天會見充梁棟礙
月休令作釣竿

種得成時我已歸明年此際弄秋暉
丁寧園叟頻澆灌要見元功無盡機

次韻竹林玉老三首

筆法有神緣劍舞詩壇遊戲也無妨
却嫌踏破鐵門限刻草堂前化鞠場
我似吳牛喘月光領瘡磨鞅巧相妨
何時飽聽林間笛了却官租稼滌場

晚景奔忙駒過隙閨中且覓靜何妨
時宜正要新聲巧賀老龍鍾莫定場

獨坐

破愁淺酌賢人酒覓句還尋君子花
造物于予元自厚閉門獨坐日初斜

聞鵲

舉頭聞鵲心偏喜的是庭闈初寄書
報語加餐眠穩外只留清白替菑畬

即事

村煙四五水成灣拍拍鳧翁意自閒
秋雨不能回衆綠洗開霜色露寒山

九月朔

一春多雨阻清游留得名花到暮秋
偶見來禽與仙杏淡紅殘粉亦風流

大龍寺荆公詩石

天下蒼生望霖雨不知龍向此中蟠

宰邑歸來便老成豈知詩句是心聲
細看野水無人渡終勝蟠龍守此清

雪中獨步家園

北風掠地盡無塵，惜許林園未有春。
小試囊中餐玉法，誰為天外散花人。

正月晚訪梅

墻隈楊柳已垂絲，岸北梅花始着枝。
風掠晴香覓詩句，客渠開晚占春時。

梅時往來郊外十絕

舊冬全未見梅枝，多是江南春信遲。
今日相逢猶摘索，翠濤牋上寫新詩。

蹋雪西村探古梅，一枝寂寞為誰開。
不消絃管與彈壓，自有騷翁時往來。

一冬多雪更多陰，問訊溪梅春未深。
等得菴來菴已漫，孤

高不改歲寒心

半生見梅喚作兄，我詩正欠梅邊清。
前回待欲喚曾子，惜

許疎蟾未弄明。舊冬一篇有借得梅之清句

不作等閒桃李色，一聲羌笛怨驚塵。
偶思今歲開花晚，要

醉風前爛漫春

琉璃木葉襯瓊英，折得歸來照眼明。
聞道此花清似我，莫

言避俗太無情

剪蠟勻脂別樣妝，吐芳先與探春光。
為緣骨相天然好，所

欠江頭細細香

近來疎懶任方圓，叅取梅花句裏禪。
三尺枯籐同所好，斷

無人似拙翁顛

春已多時花漸繁，勸梅未用點苔斑。
隔塵自有元規扇，要

見風流慶歷間
溪邊小圃半荒蕪
數種梅栽莫負渠
香色幾年吟不盡
蜂鬚先得妙工夫

黃木香

名花愛向春深月
幻作人間黃玉花
裛露承風嬌不盡
好將逸語為渠誇

春日二首

木香堆架漸開花
旁徑薔薇錦未斜
風劈柳絲成亂絮
輕飛入野人家
春光到此未須歸
綠替紅殘已暗圍
說與羣兒休騁逐
要看宛轉自然飛

贖村望潮

松江一曲水通村
潮拍平沙滿舊痕
落日鎔金潮又漲
水天直接海山門

題睡布袋

佛身廣大遍虚空
收拾歸衣一衲中
走入睡鄉推未覺
只緣認得主人翁

雪後

連朝風雪滿空來
喜得新晴萬象回
甚欲出門尋野興
梅花多是傍春開

題等慈寺後經畧潘德廊舊居三絕

父兄師友俱名世
培養都緣歲月深
忍得清貧忘寵辱
至今聲譽藹儒林

中書當日冠天下
下半世浮萍無定居
却是子孫能力守
結

茅隨分並精廬

潘良貴字義榮何真榜第二人登科其外之父具問所卜其父答曰兒子方忝一第安敢以此

古來名士都如此後世虛浮類鄙之賴有晦翁高着眼青

青鉅竹蔭簷楹

晦菴書月林字

泊陽園詩

名園依水跨官塘古木扶疎圍夕陽粉蝶不來蜂又去一
雙燕子話淒涼

紀程十絕

半夜燃箕車堰歸縣街燈火已稀微路人莫笑奔波甚領
畧江山暫解圍

旋呼篷艇到新橋日影隨寒上柳稍烏帽純裙真野服又

乘山轎過山腰

宿霧漫山寒未開老僧笑我四番來功名遷轉都如此頗

羨幽人隱磻隈

百漏舩東竹似椽一盃茗粥說癡禪恰如二月烏檻角村

北村南童稚顛

村市小兒二三月間剃柳皮捲成牛角吹而成聲名曰烏檻角

貧民逐利可憐生水附泥乾鹵漸成多得鹵成求淺利問

天乞取一冬晴

泐湖水淺灘勢斜小兒并灘運魚叉風力如鋸雙股冷青

帘側邊是儂家

秋晚曾來十日過滿田稗子綠成窠年荒只待州家榜分

數攬多喜若何

星移山轉度寒沙到得滕頭鼓二槓忽憶昔年斗門渡風

翻浪葉艫欹斜

敲開野店旋吹燈舊酒重溫酸易冰十五年來隨分過任
人呼作在家僧
冬晴全未見梅花籬角黃花尚綴葩
勝喜交情真耐事風
流不到五侯家

海際民田

良田水旱不妨耕海際成田禾罕生一夜潮來留剩水民
家辛苦望西成

夜坐

繁絃脆管挾春華都屬侯門富貴家我獨蕭然無一事清
宵兀坐聽鳴蛙

題旌教院僧房雲舫又名百漏船三首

山僧成歲枕雲根豈是無心直漫雲更闌短窓臨澗水自

題雲舫見殷勤

雲片東西自在飛偶然連綴又成衣商量做雨竟何事刺
畫奇峯便忘歸

既名雲舫知歸宿何用多言惹是非水到渠成添百漏可
憐未解箭真機

柳樹匯

望望孤成綠樹根平沙連屋草連雲夕陽坡上人牛小耕
出羌王古印文

龜子匯

暝入荒山近十里茅屋人家隔溪水青燈一夜不成眠
日長征又如此

始寧泉

始寧花木今何在一派山前紀此清說與老僧頻整葺世
間難保是虛名

寺樓舒目

風靜天陰分野色雁眠雲影得新晴江臺寺裡閒登覽屋
遠吳山畫不成

代吳兒作小至後九九詩八解

一九纔過二九來見人相喚袖難開外頭天色時時轉雪
急因風緩緩回

三九寒威漸漸強顛風刮面怎禁當籬頭感粟從頭響添
得人愁綫樣長

沽酒烹魚送舊年情知四九在冬前烘來布被何曾暖身
作音彎弓宿露天

今年燈市好安排雪柳香梅費剪裁歲月匆匆臨五九太
陽門戶向東開

冬深生冷喜新春賦得貧窮敢怨人六九數終風扇動放
些意氣走芳塵

轉頭七九數過三無事閒從野老談花氣熏人能樣猛脫
來布袖兩頭擔

五五三三拋壻忙柳絲深處暎陂塘狸奴犬子尋陰地八
九春中日正長

我儂閒過謝皇天只願從今大有年九九數來無可數都
將犁耙去耕田

蘇子由冬日詩末句似聞錢重炭薪
今年九九不難數子由時在穎州

家園散策二絕

山容娟麗青無盡心地寬閒樂有涯春信不應梅占斷風

流猶有海棠花
散策家園日護雲
靜看溪水碧生粼
春光不為名花老
贏得年年錦繡新

宮人斜

塗脂抹粉豈長妍
得寵宜思辱在先
萬古宮人斜上望
淡烟哀艸然淒然

薔薇三絕

多謝東風巧剪裁
朱朱白白待春開
偶因無事尋詩句
又見船溪錦繡堆
雨回新綠方留潤
日映輕紅無盡嬌
為惜江南春事好
對香吹水入金焦
薔薇開盡知春晚
燕子閒來又日西
却恨丹青描不得
旋

將心事付深閨

近于小圃築堂名曰秀野
隔河挿木芙蓉舊有詩云
二十四番花信風
凝脂剪翠巧妝容
誰言桃李芳春後
不似汾流錦繡中

再吟二絕

繞隄盡種木芙蓉
楊柳陰中動碧虛
待得秋來花勝錦
柳絲斷續怕風梳

二十四番風報信
名花開了便匆匆
誰言造化無窮盡
又報秋花第一風

偶吟

將花作婢那解語
喚竹為奴亦浪名
霧鬢雲鬟休用怨
主翁先有不平鳴

范園

隱之立異酌貪泉直使吾民四海傳得似范公全雅志只將清白遺時賢

軒亭

籃輿清曉過軒亭軒外山圍未了青我意他年尋一壑只因今日眼曾經

延桂堂

靜看桂影上簾櫳幾度吟詩句未工從此相忘天地外人袖手小闌東

小池

小池栽得數枝蓮也占新涼七月天說道南灣納空濶盡將野意換韶妍

水月泉

水清月白又初秋瀲灩山泉入壑流我已重來君解否生平厭作是非謀

江下

昔曾襍被宿江潯風雨欺人春未深轉盼六年重到此越山依舊隱雲心

丈亭

潮水衝沙未轉清急搖雙舫似鵝鳴須臾停舫依荒岸草屋疎燈記夜程

題懷謝驛

謝公洗屐水平池笑傲東山望一時究竟後人能尚友驛名懷謝著深思

偶得

客舍墻根草未生
市橋官柳已欣榮
洪鈞造物元無意
只是東風有世情

偶成

竹奴角簟頗相宜
正是書齋寂靜時
白鳥忽穿林影去
自攜紈扇細題詩

偶書二絕

靜觀萬物各隨緣
天亦何心付自然
鸚鵡不材鸚鵡貴
豈知鸚鵡得天年

久知鳧短鶴長語
誰賦花榮竹脆詩
物理無窮難測識
且傾美酒樂天時

偶題

夜深水冷無香餌
若箇黃鱗肯上鉤
我欲釣鰲安爾用
一竿風月好迴舟

題司馬才叔詩後

司馬才名世所賢
銀鈎珠唾尚依然
塵埃試看蛛絲墜
倒指于今六十年

六言

梅長官深有味越人
梅長官以楊梅
木居士喜清游
未用三薰三沐且占一壑一丘

色惟有用文子翠
亦堪餐此君未須
歌南浦雨終是望
渭北雲

春事今如此憑高興未闌半簾疎雨過一院落花間草
色迷幽徑禽聲出晚山東風能育物不改鬢毛斑
迂拙

蘭皋集

春望

宋 吳錫疇著



春事今如此憑高興未闌半簾疎雨過一院落花間草
色迷幽徑禽聲出晚山東風能育物不改鬢毛斑
迂拙

迂拙安吾分炎涼任世情簞瓢自鍾鼎風月即勳名春
樹重重暗晴雲片片明滄波山閣外浩蕩一鷗輕

晚步

晚日弄晴陰徐行野徑深山寒梅韻峭林杳鶴聲沈緩
水元無響飛雲豈有心頗知間最樂天地入清吟
曾對煙波奇觀寫興兩人客出翠巒歎歸客山邊去

層樓一望立斜暉
三兩人家出翠微
淺瀨欲流山影去
疎簾不礙月明歸
自來樵釣無榮辱
到底功名有是非
識得老天窮我意
免教世俗殘危機

林和靖墓

遺稿曾無封禪文
寫歸何處但認一作孤墳清風千載梅
花共說著梅花定說君

留日

韶光大半去匆匆
幾許幽情不通燕
未成家寒食雨
人如中酒落花風
一窓草憶逆一作濂溪老五畝園思
涑水翁無賦招魂成獨嘯難一本云且排春句答春工

蘭

石畔稜稜翠葉長
歲蕤紫蕊吐幽芳
靈均去後無人問

林密山深只自香

夕陽

夕陽牛背數家邨
一笛聲中欲斷魂
人世百年雙短鬢
不知禁得幾黃昏

洲上

藜杖步芳洲
風花點碧流
時晴情鳧泛泛
心事水悠悠
有約山長翠
無名草自幽
聲聲啼布穀
夜雨足西疇

寄漫客汪子美兼簡竹牖東美

鴈斷無書到
筆峰暮雲空
自滿江東漫郎
一片襟懷香
子美三生習氣
同身外有賞
惟老硯竹邊
無價是清風
何時共聽簷花
雨小醉微吟
夜燭紅

晚春

書策爐熏了日間雨餘庭砌綠迴環一春又是尋常過
兩鬢誰知容易斑輕薄楊花芳草岸淒涼杜宇夕陽山
不嫌貧有隻飛燕依舊銜泥自往還

新荷

園林春去後幽景屬池塘過雨鈿猶小吹襟風已香莫
期^色作饋好待集為裳太極翁何在花時愛敢忘

夜坐

蕭蕭下庭葉未晚閉柴門故篋搜詩讀殘燈與酒溫砧
鳴深巷月大吠隔溪邨人世如無夜勞生事更繁

聞鶯

湖邊春壓柳絲低雲淡風輕一杖藜伐木詩止交道絕
綿蠻空為盡情啼

漁父

吟箸儘自了生涯岸尾沙頭即是家入夜醉歸橫短笛
滿江明月浸蘆花

春日從伯氏領子姪郊行

寒食清明共一時柔紅開遍野棠梨繁禽聲樂風光麗
弱柳陰濃日脚遲身外生涯何似酒人間局面只如棊
行春莫待花飛却藉草開樽剩賦詩

棣華堂

先大父國錄

叔大父安撫教授之地

堂前古桂巋然獨存花時踏月徘徊其下誦

先君舊隱之詩次韻追感

古桂吹香秋月明當年曾聽讀書聲角弓有賦門人在
邂逅猶須問悴榮

醉吟

一徑碧苔深蕭閑幾醉吟
野花開自落春色霽還陰
涉世謀多拙逢人口欲瘖
門前流水淨洗盡利名心

山村問宿

問宿山村裏人煙斷復連
高峯明落日危石響幽泉
世事雙眉上年華兩鬢邊
蒼洲森萬玉飛夢月娟娟

郡侯奏請為先竹洲易名因送逢原入京

一封奏入五雲開
褒錄儒先連九垓
生意欲回洲上竹
好風已遍隴頭梅
誌銘標揭留幽隧
謚法昭彰在曲臺
去去片帆春水滑
捧持飛誥看歸來

友人有約未至

每破疎英餞歲華
尋梅有約過山家
短牕昨夜占佳晤

桃盡寒燈未肯花

分題牡丹

此花誰實與封王
公道東皇有品量
宿露低垂蒼玉佩
喧風輕振紫羅裳
精神因為得春久
富貴何嫌到晚芳
醉把一枝簪帽側
從教人笑老夫狂

荷葭塢呈秋崖方工部

怕驚啼鳥推棋罷
為愛落花迂展行
窈窕綠雲春一塢
遊絲飛絮弄新晴

晚眺

日未沈西月已東
一山秋葉染霜紅
鮮明恰勝春花好
不似春花耐得風

聞鴈

暮霞天角正紅酣
渺渺飛鳴鴈
兩三萬里中原消息斷
賴能帶得過江南

小隱生

小隱生涯無別事
護持蓑笠傍鷗沙
清泉頻注吟邊硯
活火隨煎飯後茶
趁蚤須來添鶴料
便忙也去看梅花
焚香掃地齊書帙
客到隣墻有酒賒

遇梅初花

隴上無人寄一枝
疎花忽見喜生眉
巖稜面瘦霜明裏
瀟洒香寒月上時
比姑射仙同調度
與林逋老共襟期
孤芳不競能堅守
肯向離騷怨未知

秋日

西風吹雨故將寒
斗室盤旋宇宙寬
蘆已成花衰鬢白

楓猶染葉醉容丹
人間歲月幾羊腓
身外勳名一鼠肝
領畧秋光無限意
東籬閒撥落英餐

聞笛

乾坤沈萬賴
風露香馥清
城近更初轉
山空月再明
攬裘寒意重
看劍壯心驚
迢遞誰家笛
淒涼此夜情

楊花

為見春風不久歸
顛狂上下弄晴暉
只饒天與無拘束
入幕穿簾任意飛
飛舞隨春去
不停空條留得
羣郵亭狂心未肯
沾泥死猶作輕浮
水上萍

次韻答吳仲山

聲利驅人萬轂忙
何如林下翫幽芳
一池草色春不盡

半樹梅花月也香古錦忽分詩眼巧短箋難寄話頭長
相望正恨相逢晚莫惜來過剪韭黃

蘇詩舟中

一笑起推蓬煙雲望眼中鱗鳴無調樂帆飽有清風山
近水偏綠鷓啼花正紅前途足竒觀行色莫怱怱

次韻題純老房竹

有竹更不俗蕭疎三數竿雲深茶竈濕雨過佛燈寒紀
壁何年種停經了日看塵勞應可滌幾欲借蒲團

元日

寂寞柴門賀客疎已輸漸後飲屠蘇花情柳思開新歲
竹簡蒲團只故吾獻楚有誰能辨玉求齊正自不工竿
朝來笑挽春風問亦解重青兩鬢無

臨川憶舊

漫浪同為逆旅人倏然離合入思頻清明上巳多愁雨
芍藥荼蘼各殿春不改交情山翠舊漸添老色鬢華新
近來世念寒烟薄已辦青蓑理釣綸

本長擊蟹

寒蒲就縛失橫行已矣甘從五鼎烹憑持甲戈名以躁
貯藏風露敗於清蘆花洲冷霜威健竹葉杯深飲興生
且與老饕成後賦正須一笑付薑橙

次韻逢原偶興

曾共清燈坐夜闌依然故我只儒酸昏眸但覺看山易
倦足方知行路難捫虱坐談思傲睨聞雞起舞歎哀殘
間中恰續無功記以醉為鄉儘自寬

晚晴

雨脚風收斷斜陽漏晚天徑蕪蛙張主花霽蝶輕儂畫
思平林外詩情步履邊無山將亦隱底用買山錢

還友人詩卷

壇荒杜陵後何以續詩名千里江山秀一襟風露清淡
中無淺短豪處有和平細讀松間集如聞雅奏聲

籠鶴

本是雲霄萬里身樊籠著向綠槐陰雖然祿料曾無欠
孤却寬閒自在心

送春

紅襯晴霞一角天小樓重上眺前川莫言春去無蹤跡
盡在枝頭嫩綠邊

惆悵春歸自不禁日長門巷靜沉沉應知不止為花地

沃沃桑麻雨露深

新綠迴環暗竹扉靜中物物總天機啼鶯戲蝶渾如舊

莫是春風尚未歸

九日集客

佳節欲酬湏酩酊東籬不記幾飛觴從教烏帽吹將去
且對黃花領取香世事謾勞三太息人生寬破百重陽

英雄蓋代今何在戲馬高臺久已荒

聽雨

細細簷花雨青燈耿客寃輕烟騰栢子流水響桐孫日
月雙車轂乾坤一酒樽螳柯分已定人自苦追奔

曾好次韻謝元壽

曾被儒冠誤謀生事事疎洲無千樹橘家有五車書疊
石和苔剝移梅帶雪鉏好非人所好習氣未能除

贈寫照陳生

審鑑

燕領鳶肩絕屬天幾何人得上凌烟且煩寫在山巖裏
野服黃冠看瀑泉

山中雜言

小小柴門傍竹開幽溪不慣有人來頗嫌老鶴無情思
啄損庭前一徑苔

老作山翁輩行人素衣曾不化京塵只應猿鶴無驚怨
從自龍蛇有屈伸

數家雞犬小成村一帶岡巒近入門怕有漁人來問訊
溪流那得截雲根

草色侵除雨後深天教閒靜在山林無田種秫供桑落
有地栽蘭當水沈

移春有檻徧京華剝種人間富貴花誰識山中窮活計
眼前沃沃只桑麻

得失升沈是與非紛紛世上局如棊白雲谷口橫遮斷
萬事山中總不知

繆有生涯類蠹魚蕭然四壁一牀書兒曾未信儒冠誤
猶事青燈廢耒鉏

次韻題璜原僧舍

魚鼓無聲晝閣沉荒碑積雨古苔侵忽飛寒雀窺齋鉢
偶有馴猿聽梵音

寂寂

寂寂閉門坐身閑心太平豆花含雨重梧葉坐秋鳴道
路風波惡山林夢寐清少狂無復在未減是詩情

魚鱉 鷓鴣

滿身文彩謾成愁一曲清池強滯留翹足有時隻睡去
夢魂依舊繞滄洲

百 桂花

許多香却不多花灑氣浮空月滿家明日石壇金屑富
旋收賸馥入龍茶

近作桂
花茶供

次韻寫興

不學韓公咎斗牛此心無愧許沙鷗陰晴明日自難料
得失頻年已熟籌瘡計空為千載慮虛名翻誤一生憂
閒中菘韭皆真味絕勝羊腔進膳羞

老境

老境已駸駸功名負壯心昏眸雲霧隔短鬢雪霜侵身
為貧長客詩曰病懶吟春山歸未得門逕蘚花深

客枕聞鶻

煙新寒食過月皎子規來萬里他鄉恨千年故國哀窓
深歌枕聽夢短到家回為爾添愁寂春風不耐催

尋梅

迤邐尋梅過別村歸來新月照黃昏更無可覓春風面
撚斷冰髭立斷魂

晚春喜友人至

柳門竹巷靜生苔節序俄驚物物催一雨拉將寒食過
百花讓與牡丹開若為繾綣留春日正可淋漓縱酒杯

呼舞忽聞猿鶴喜兒童忙報故人來
竹洲重葺仁壽堂
抗章當日勇辭榮三詠循陔世念輕
娛悅高堂仁者壽
壅培遺植聖之清雲涵翠葆添新蔭
秋逼青琅憂舊聲
故址依然成棟宇水心題扁尚晶明
先文肅建
以親
雨中過昱嶺
下輿扶杖過山蹊雨濺征裾屐濺泥
正自不禁行路苦
一聲何處竹鷄啼

湖上聞鷓

湧金門外買湖船綠樹陰陰叫杜鵑
恰莫叫從城裏去
有誰人肯辦歸田

獨酌

獨酌悠然醉應無語笑譁百年柯上螳
萬事瑣中蛇詩
定重刪草燈挑又作花不煩眠遣客長嘯
岼烏紗

秋懷

鴈聲叫斷一天秋寒氣憑陵季子裘莫恨
蛾眉偏薄命
曾知猿臂自難侯繞黃花有詩消遣持紫
螯兼酒拍浮
未用淒涼如宋玉月明清思滿前洲

悼鶴

乘化歸遠海隻籠一不開墜翎留片雪遺
跡印荒苔月
朗憐孤唳琴間憶共來瘞銘為琢石鷄鷺
不須猜

忽覺
其一

次韻孫良夫贈別

第一江山第一程新詩快讀逼梅清碧雲
不斷飛帆急

立盡檣竿晚日明
楊子江頭欵乃歌
一天星斗絡斜河
怕無才思堪風月
拾入奚囊未必多

芳草垂楊浥嫩寒
苔痕新過雨斑斑
一年春付花開落
長日庭分燕往還
世事祇堪頻對酒
詩情自可飽看山
儘窮莫用文為送
郊島曾容季孟間

曾以秋夜

寂寂虛堂風露涼
邊聲驚聽鴈南翔
短筇夢涉秋三徑
長笛思乘月一航
老眼添昏如濁鏡
吟懷多感類寒螿
久知拙不趁時樣
肯羨東鄰鬪艷粧
荆溪舟中對月

歷眼旬餘半終宵
月在天若將今歲看
僅有此番圓寒
逼鴻洲外光搖螳
甕邊家山千里遠
應共一嬋娟

五夜

蘇晚泊

有味吟邊景無愁
醉裏身如何連夜夢
只是到家頻更
永遲留月梅寒漏泄
春吳王臺下泊訪古
待清晨

山行

策蹇又山行看山不識名
平林秋後薄疊嶂日邊明
雲近侵衣濕泉幽照影清
歸樵饒樂意笛弄兩三聲

醉起

水宿篙師報歇程
維舟聊此問旗亭
醉來頓覺鄉愁失
苦被霜風吹又醒

極目飛鴻外蒼茫
渺然風清垂釣瀨
日淡放梅天展
卷評詩句探囊結酒綠
舟中無此樂但只閉篷眠

新城

短棹泊新城江寬風易生
帆隨潮共上煙接岸俱平冷
藥江南信孤鴻塞北聲
詩成休朗誦怕有老龍驚

晚山

晚山欣靜對杳杳碧無垠
病葉明殘照飛鴻帶斷雲
自憐麋鹿性宜入鷺鷥群
世路多殊轍升沉迹已分

夜感

少年未識隄防老不辨坡翁大字書
猶有壯心耽萬卷其如昏目負三餘
睡遲祇怕中宵覺交淡從教俗軌踈
瞑

坐謾搜詩撥遣靈臺一片炯如初

憑欄

劉伯龍如鬼笑何居然幻境螳南柯
世間人止人應少天下難言事最多
梧葉淒涼因節序鴈聲依約自閩河
憑欄莫起悲愁意老色何妨借酒醅

無弦古琴

寥寥誰是識琴心得趣元來不在音
可惜伯牙猶未達絕絃當日恨徒深

偶成

酒能成病姑停飲詩怕傷時莫浪吟
客又不來春欲去一簾花影弄鳴琴

琴疑禽

釀密山蜂初割戶銜泥梁燕已成家
春愁漠漠連芳草

間過東園數落花
猶能含怒到瓜洲
欄干投北是神州
莫怪諸公怯上樓
千載潮聲如有恨

姑蘇臺

歌舞聲消跡已陳
危臺今日壓城闈
靡遊莫恨終亡國
誰把鴟夷載諫臣

三高祠

去越思吳居甫里
並祠千載說三高
到頭杞菊饒餘味
不涉人間富貴勞

旅舟度歲呈范堯臣

柏棧椒盤且罷休
呂蒙城下泊孤舟
昏燈獨照還鄉夢

久客新添別歲愁
爆竹無聲驚寂寞
梅花有意伴淹留
明朝例是加年事
不信公侯不白頭

夏日

雨作年豐計涼為午
睡媒不煩思飲露
已可可洗飛埃
延月簾高捲看山
牖盡開心間逢事
懶襪襪且休來

菊邊持螯

奔火狂難改橫戈事
已非形模雖可恠
風味故應稀玉斫
隻螯潔金披一殼
肥持杯籬菊畔又
見醉忘歸

對月有懷

破晴斜月入簾陰
鬢影蕭騷老不禁
九十日春風與雨
百千年事後猶吟
牡丹紅褪殘妝面
杜宇聲寒故國心
眼底交游期又誤
飛鴻杳杳鯉沈沈

東原哭趙成德
鶴悵東岩夜聲悲不可聞
有圖留水月無句管煙雲
身後空傳稟生前事作墳
思思攜手日濺淚謾紛紛

重午於潛道中

逢人蓼艾知重午謾把
倩錢問酒杯豈是醉狂慵
弔古獨醒不禁客愁來

六和塔

直上浮屠最上頭
茫茫渺渺入雙眸
斜陽斷鴈新秋意
惹起西風一段愁

次韻汪仁甫

斜河炯炯鴈飛飛
老却斯人天未知
三徑秋光猶在菊
一年心事可無詩
歲華迅似離弦箭
愁思多於盈杼絲

寂寂空山明月裏
誰拈霜竹倚風吹

結屋

結屋須教坐對山
把茅終此有三間
澆花抱甕調停懶
洗硯裁牋準備閒
未問丹砂能蛻骨
久知綠酒可酡顏
江湖浪跡成何事
抖擻歸囊句不慳

夜雨

漠漠春陰未肯晴
空階滴點到平明
應知不入笙歌耳
來作愁人枕畔聲

客思

淹留為客久蕭散
與心違妻病家緣廢
奴逃書問稀雨
荒招鶴逕苔滑釣魚磯
愧爾汀頭鷺滄波自在飛

藍溪道中

綠窈雨初歇清和日正長
乳禽穿薄靄弱蔓上頽墻
村市筍厨美田家筵餌香
老翁扶杖出小立看移秧

一寒未辦買山貲隨處看山
揔可詩人事無常山換主
青山依舊不曾移

秋來

秋來病葉不禁風漸見虛欄墜
片紅斜日半谿人喚渡
斷雲千里鴈橫空時情得似
馴鷗子世事徐觀失馬翁
忻戚莫將為我役此懷拍拍自春融

九日

九日今朝是風吹帽欲斜
愁惟添白髮貧莫負黃花蟹
土橙初熟秋登酒易賒
茱萸休把玩且辦醉生涯

江氏靜山堂

一炷清香萬疊山
依仁體良寂然間
油雲自去為霖雨
千古蒼蒼只恁間

楚東歲暮

樓高霜冷漏聲遲
獨立闌干憶別離
月明一奩磨後鏡
疎星幾點劫殘棋
歲寒時節難為客
老日頭顱儘付詩
頗覺淒涼無晤語
臨風說與凍螽知

重題釣臺

不向雲臺戀故袍
清風固自釣臺高
渭川八十年烟雨
豈是漁竿把不牢

除夜

日月跳丸歲又除
書生作計太迂疎
也知窮鬼難驅逐

鬱壘神荼莫用渠書主
守歲兒童語笑頻
老翁醉擁地壚春
欠伸起喚梅花說
明日平頭五十人

日薄霜清水見沙
水邊偶到野人家
滿階風葉渾慵掃
為愛深紅似落花
夕陽孤倚立溪頭
三兩漁舟遡碧流
驚起一行新宿鴈
斜飛又過別汀洲
誰人雅趣似林逋
繞屋栽梅入畫圖
淡日籠晴霜轉暖
從頭看過有花無

癸酉元日

一聲竹爆又驚春
茶壘中間寫此心
忽忽行年周六甲

便便癡腹擬三壬
酒泉郡裏寧甘飲
飯顆山頭尚苦吟
強健得閒元是福
何妨終老住雲林

梁枕

三尺焦桐稱醉眠
邯鄲底用遇回仙
夢中彷彿聞流水
元是山間響瀑泉

別吳仲俊

背人春事水趨東
淺紫深紅次第空
宿靄未乾桑葉雨
薄羅初試棟花風
詩聯鍛鍊微吟裏
豪氣施行半醉中
此去相逢堪幾度
別懷作惡老來同

山居寂寥與世如隔
是非不到榮辱兩忘
因憶秋崖工部嘗教
以我愛山居好十詩
追次其韻聊寫窮山
之趣

我愛山居好扶藜步晚晴俗醇存古意境寂快詩情杜
 老銀絲繪坡翁玉糝羹隨緣清供足儘可供餘生
 我愛山居好蔬畦間蒔花窺泉歸爨舍篝火乞隣家茁
 嫩貓頭筍焙芳雀舌茶野人曾拜號何用給黃麻
 我愛山居好乾坤自在身林泉晞隱士風月謚間人村
 釀添春困庖蔬勝鼎珍幾攜蓑笠去保社在鷗津
 我愛山居好軒窓傍水開遊魚吹墮絮間鶴啄荒苔有
 字人誰問無租吏不來寂寥門逕側數尺長蒿菜
 我愛山居好陶然與世忘細聽泉漱玉那羨珮鳴璫乳
 燕飛間宇新篁出矮牆靜觀機不息天地為誰忙
 我愛山居好崖雲濕爨煙琴橫雙鶴舞犁閣一牛眠酒
 熟花開日詩成雨霽天逢場聊適意總結喜歡緣

我愛山居好粉榆老故邱好峯當戶立遠水護田流鼓
 響移秧日初鳴穫稻秋年豐身老健一飽水無求
 我愛山居好蒼荒一作磯一釣竿白鷗春水闊黃犢綠坡
 寬徑菊香秋晚溪梅約報一作歲寒人間幽意足詩思倚
 闌干

我愛山居好茶甌困解圍松邊橫蘚石柳下敞漁扉細
 雨噲喞出斜陽敲鯨歸交情殊貴賤似覺故人非
 我愛山居好田園在力耘樵歌風外斷猿嘯月中聞舴
 艚夜招鶴轆轤曉汲雲久慙呼處士未必應星文

對雪

婆娑舞忽凌空去散漫狂還掃地來幾片飛黏梅樹上
 恍疑昨夜有花開

友人幽居

空谷境常寂幽居趣最真
蛙鳴聊當樂花發即為春
白首惟詩酒青山自主賓
惜無騷雅筆寫寄市朝人

嘉禾百詠

胥山

馬革浮屍去君王太忍人
此山空廟貌何以勸忠臣

宋

張堯同著



艾山

舟竈功成後寥々掩竹扉
但聞蟬已蛻不見鶴來歸

灑湖

四境田相接烟瀾自渺瀰
客來吟此景無或比灑池

鴛鴦湖

東西兩湖水相並若鴛鴦
湖裏鴛鴦鳥雙々錦翼長

長水

古來名未滅人好水還清
一讀高僧疏塵勞悟此生

古木谷水

一作詩

短棹經行處風披藻荇香中宵孤鶴唳片月在滄浪

東西天星河

拍岸浮香綠菰蒲四遠生網羅人不到魚鳥亦忘情

穆溪

靜練明田外源流笠澤通不因逢歲旱誰識濟時功

韭溪

終與雙溪接分流入郭來市橋人影合不解洗塵埃

雙溪

柔櫓聲相應名齊溪魏收可憐一溪水分作兩塘流

秀水

好景明於畫長浮五色波一竿吾欲釣來此聽漁歌

白龍潭

呼吸風雲合飛潛自有時只愁潭底淺頭角被人窺

禦免

用此臨吳戰何人為越謀夫差曾不寐亡國始知羞

范蠡湖

少伯曾居此螺紋吐彩絲一奩秋鏡好猶可照西施

梧桐逕

落落桐樹何年作鳳鳴試看千古翠流盡一溪聲

汾湖

我是滄浪叟閒來繫釣艫如何一湖水半秀半吳江

柘湖

神居陰陽護尋國捍洪波莫慮蛟龍怒年來畏叱呵

馬塘涇

疑著風波惡民謠亦畏人築塘成堰後斬馬祭河神

杉青堰

舊吏家在何空尋古柳堤世情今亦爾莫笑買臣妻

鳳凰洲

竹秀水色淨忽來雙鳳凰岐周昔鳴瑞今復見文王

龍舌頭

一吸長川靜烟雲忽有無誰看額底月誤欲探驪珠

月壕

入往深於塢滄波近馬蹄每尋蓮社友咫尺走東西

靈光井

玉甃祥光發難藏世上名定多慈護力一飲百疴輕

幽瀾泉

神女鍾靈處真堪療渴羌滿甕秋玉色一酌灑清涼

樵李城

螳螂方捕楚黃雀遽乘吳交怨終止國君王到死愚

射襄城

此地連江海曾經古戰爭干戈今不見空有射襄名

四城

吳越爭雄日區區在用兵空餘爭戰地無處不高城

何城

報越心何壯貪齊計已輕忠言殊不聽何用築斯城

由拳廢縣

故城人不見擊劍淚空霑一絕悲聲遠今猶說孝廉

嘉禾墩

寂寞黃龍後，紛然壠上碑。廢興無處問，空詠草離離。

古戰場

自昔干戈地，城空草自荒。漁樵懷舊事，何敢議興亡。

村門口

昔日荒閒地，今聞市井喧。人情看促迫，無復似當年。

宣公橋

祇因裴少保，功業敗垂成。徃徃橋邊客，今猶恨未平。

五柳橋

為懷陶靖節，無復見其人。誰種橋邊柳，猶含舊日春。

百步橋

舊址依然在，荒墟未百年。還分一橋水，流入幾家田。

跨塘橋

路接張涇近，塘連谷水長。一聲清鶴唳，片月在滄浪。

菩薩橋

片雲初出岫，南北自飛揚。舊日橋邊路，猶聞鳥履香。

竹橋

腰枕政亭北，橫斜古渡頭。風吹雙淚落，恨逐水東流。

河內亭

掾死緣非命，兒來哭未休。舊時亭下淚，疑與水長流。

嘉禾亭

五馬來何暮，經營指一彈。石碑書近事，留與後人看。

列岫亭

吾州風物好，惟是欠青山。忽有洞庭色，來從一笑間。

水心亭

波光磨不盡鏡面絕纖塵照得紅亭子亭亭似美人

樂郊亭

竹下清風好時來挂幅巾待逢田叟問知是樂郊人

會景亭

有景道不出須來此水濱十分花鳥色團作一亭春

南塢

岸回波曲曲城轉草層層忽見桃花落還如到武陵

海棠亭

蘇砌迎烟渚花開忽滿株春風吹爛漫如展蜀川圖

白蓮沼

滄波圍四面艷艷玉開花自可除簾幙清香不用遮

桃花亭

不待東風拆池塘已自春試看原上客猶恐是秦人

紅薇徑

漸放秋風晚花無爛漫香淺深紅似錦散影在滄浪

茶溪

茶林那復有零落付樵人舊日溪邊叟空悲二月春

仙鶴亭

杳杳雲間路重重隔翠林數聲清夜後來伴月邊吟

芙蓉塘

一發連千丈紅雲出素波秋風吹欲老無奈落花何

白苧橋

遍隴敷青綠桑麻共幾家湖城羅綺子應笑不栽花

漁漁

野水連天濶滄波引釣緜寄言溪上叟莫學直鈎人

懷蘇亭

猶使樽前客常懷沒後名好風吹遠籟如有笑歌聲

披雲閣

茲樓當勝地高望極峻嶒欲覩青天色還須上一層

景龍樓

千秋傳異綵百尺護雕闌欲識金龍瑞丹霄試仰看

烟雨樓

妙手誰烘染梳烟沐雨姿一聲長笛晚人在倚樓時

月波樓

天濶冰壺淨溪平玉鑑寒卷簾看曉色鷗鳥並闌干

真如院

家田輕脫屣聊結淨人緣影外香燈寂清風百世傳

雪峰菴

一語合頭悟師承豈在身戲言廬墓客未是報恩人

景德禪院

白毫光未滅勝事百年中好是傳燈地林泉有古風

三壩

石匱埋神物靈光照夜多龍歸天上後無復更風波

學繡塢

孤塔岩堯立猶傳學繡人五湖如好在針線不勝春

水陸院

白晝重門寂蒼苔古殿深老僧香火罷松栢夜森森

白畫泗洲菴舊寺丘墟後重興歲月賒莫將間禍福容易託僧伽

滿篋藏鋒句家傳世幾何遠孫無悟解却笑葛藤多

古屋深於洞門前種白蓮好尋當日社重結此生緣

普濟院祇應曾布地徃徃化為魚于遇丁千騎禪人便結廬

兜率寺昔年池滿地今見屋耽耽不結蓮花界龜魚死未甘

姜庵不入紅塵市安居三十年至今庵下路芳草碧芊芊

惠明堂地僻無人到松風鶴夢清一燈禪榻畔自向暗中明

三過堂題詩三過此坡老昔時曾悟得成彈指來為打睡人

寂照庵一室寂照庵惟入昔斯息也

天慶觀寂滅踟躕地燈光照四時高僧穿地脉此意少人知

寥陽龍已化華表鶴空悲欲問梁朝事惟應老檜知

福順廟老屋無丹雘空塔只翠苔遠檐看箭鏃誰記赤眉來

昌武廟祇因吳士季千載仰公神欲借驅店術來臨刻木人

孝德襄陵久天然與衆殊生男不能養應合愧楊姑

王有岐夷德千年貌亦存我懷三刺史誰是後來孫

一笈淮兵却功成未易論豈慚顏刺史詩酒在平原

一暝移藩日邦人昔被思步兵碑尚在功業敢經綸

人歸天上去空識舊衣冠秘錄藏金匱清風滿殿寒

弼漢功非淺讒夫可柰何海神今亦畏安敢布風波

平林標大道曾是野王居往事將誰語淒涼六代餘

詩老追唐句閒居築簡齋芙蓉寒浦外紅落感秋懷

發策名猶在回頭事已非池塘春草綠空憶謝公歸

丹砂猶未就白髮忽成翁却有憐春意栽花向此中

藏書幾萬卷歸老此林泉不為尋葦鱸于公亦有賢

蒼苔侵壞道晚雀散空林莫問人賢否浮生一古今

施墓

衛墓

惆悵黎陽客飄流浙水濱定忘空腹恨知是赤心人

荷鍾從吾後叮嚀死便埋人皆譏嗜酒我獨愛忘懷

有子如君少終緣叛國亡冢前無後嗣切勿怨張湯

世事春風轉榮枯一夢間繡衣人不見孤塚舊家山

不識君名字應難問子孫一邱浮水際神恠欲誰論

泉下骨應朽幽魂獨未消幾番清夜月孤影度南橋

羞墓

傷哉負薪子五十始登朝空使埋羞處山花復採樵

雙瞳分日月眉際一星懸照見人間苦三辰不在天

父老懷遺愛誰傳肘後方藥囊同日葬空憶紫元香

地重因名果如分沆瀣漿傷心吳越戰未敢盡情嘗

符姚瑞竹

一幅霜縑外青青出自然天機何敢議珍重白衣仙

之誼乃不能奮身死國竊為先生病嗟夫事固有當任而不可辭者有當審而不可蹈者故秦侯托跡于瓜田晉臣沉酣于栗里意固有在矧當易代之際先生獨能往謁天祥相與抵掌時事猶慷慨泣數行下旋勸熊飛復捐已產上既不失為忠臣而顧迺艱於一旅向元人決雌雄者誠有見夫濮安懿王之派一十四字之傳所係綦重存其身以綿趙氏下實不失為孝子以與楊都尉並宗室駙馬輩臨事偕行智用得失不較然歟是宜光昭俎豆世其家于勿替者也先生著作甚富諸體悉備覆瓿一集隨事應酬未嘗經意而憤懣不平之氣每欲盡不敢欲掩不能見于言外讀之者莫不惜其遇悲其志昔資中郭公順堂序先生詩文無遜賀向而凜凜高節非賀向所能企及誠得之矣先生裔孫雪崖甲子舉于鄉余忝列同年譜且從永安起家故自下車來即獲通音問今夏因先生舊本蟲彫重梓以永其傳郵函徵序於余余何能為役然私淑先生既久更重雪崖之能珍傳先人手澤也於是乎書

覆瓿集序

南風不競炎德既燔三后之姓於今為庶蔑蔑無聞矣竭
來東邑有客舉以一二詩奇甚問何人作曰宋有官宗子
秋曉先生詩也遂從其子良麟得全帙觀之清新閑雅飄
飄然有神仙風致予謂一歲之清氣在秋一日之清氣在
曉趙侯以是自名使君於此不亢矣乾坤有清氣散入詩
人脾則其人其詩清絕也固宜客又曰秋曉節義人也因
為予言其平日出處大槩誠非常人之所能企及嘗觀戰
國羣公子如孟嘗春申輩裘馬輕肥以豪俠相尚彼知節
義為何事不足稱也屈原楚公子也忠愛寸忱拳拳焉以
維翰維城為已任離騷一經忠貫日月并載而下聞風興
起豈徒取其文而已趙侯廿擢高第居官有能聲年甫三

十而宗國隕矣即韜晦不仕放浪山水間長詩短吟寫其
憂憤而終身焉宋亡未十年予自楚而燕見夫內而金馬
玉堂之署外而閩府州縣之間往往皆宋宗臣近就本支
百世之義畧不暇恤聞此可心愧死矣吁公之文學使在
前朝盛時則校書天祿揮翰金鑾固不在劉李下宗國殄
瘁而人云亡可慨也先儒謂宋有宗衮而無賀白公之文
固無遜賀白凜凜高節又豈賀白所能企及哉諸郎競爽
振振誦誦克紹先業節義之報也丘山零落往事莫追西
山朝來爽氣固在秋曉之高風清節如乾坤清節在穹壤
間百世不可泯也詩文云乎哉皇慶改元歲在壬子夏五
既望資中郭應木居仁序

覆瓿集

覆瓿集

宋 趙必瑑

和文文山中秋賞月韻

中秋有月更有酒樂事賞心并二難萬里無塵銀世界一
清徹底玉溪山素娥伴免夜無寐仙侶乘鸞曉未還老子
南樓動吟興風吹香句墮塵寰

和張竹處韻餞陳匪峯之漁泉

不愁官冷客無羶力欲回瀾障百川無已晚年工覓句元
龍豪氣諱求田焚章徑解諸侯印買酒時分司業錢庭草
池蓮總春意詩人只合住漁泉

至節寄家信

時在病中

薄宦駸駸已及瓜寒梅羞見舊時花年來吟苦形成鶴客

裏愁多鬢減鴉浮世有身元大患此生何處是真家白雲
極目空搔首歸雁兩三寒日斜

和黃秋三衢舟中韻

壯志曾期捋虎鬚中年跛驚困泥塗糟糲富貴幾場醉盧
雉功名一擲呼世事看來真塞馬吾才祇可比黔驢客遊
倦矣休歸去三徑可松園跡疏

挽李自玉

貞元朝士盡凋零一世龍門羨李膺靖節有詩題晉號德
公無意入襄城牀頭點易朱猶濕几上遺書稿已騰收拾
故家華萼集翩翩三鳳似文鳴

歸卧西樓理故書幅巾羽扇一癯儒家庭師友尊明道古
史文章逼老蘇蓬鬢早因時事白荷衣不受劫塵污嗚呼

天不遺耆老雨淚如傾一束芻

和李梅外韻以傷邑士之無朋

兀兀規規鐵限門鬚眉妾婦徧吾村蜀南見日犬羣吠井
底觀天蛙自尊守望誰為鄉里助典型藉有老成存書生
唇齒久荆棘氣不能平又一言

避地惠陽鼓峰用徐心遠韻

收拾當年破敕黃山中蕙帳亭魂香風供松葉暖茶竈雲
卧茆窓凍筆床一雨烏蛙亂深夜數聲啼鳥怨斜陽風塵
浩蕩愁如海怎得中山醉酒方

挽張縣尹

別駕新除墨尚鮮翩其鳧鳥已飛仙床頭空有栽花譜身
後應無買木錢自古才人多薄命如今鄉國正思賢累累

孤寡相持泣說與天知天也憐

春行南山訪友不遇

瘦筇支我上南山纔到山中分外閑
九十日春將解印百年心事幾凭闌
燕營一壘雛相慶鶴舞三臺仙未還
松菊把門牢閉著誰彈壓此騷壇

元日客中和同年韻

歲堂堂去逐江干夜半東風送舊寒
爆竹聲中人老大梅花香外客平安
一番春事從頭起萬里天衢著步寬
上下雲龍平昔願擬摩短翮附飛翰

和黃秋韻

騷壇分戍打愁城奏凱梅邊緩轡行
詩債填償難一頓酒緣結習是三生
未能范蠡浮輕舸且學靈均賦落英
落魄

半生成底事沙汀月冷負鷗盟

和自村同年韻寄南山劉義車

空谷寥寥絕足音月明千里故人心
功名蝴蝶半床夢歲月蜉蝣一息陰
王粲曾聞附劉表華元何忍薄羊斟
買舟欲泛剡溪曲安道門前雪忒深

餞尹權宰春嶼

半年筆底種甘棠棠未成陰又趣裝
明月扁舟琴鶴共西風一劍斗牛光
人生易散情如海事會無窮鬢未霜
莫把屠龍斬蛟手便攜短棹滄浪

老我江湖倦送迎故人此別若為情
綈袍氣義千金重故紙功名一縷輕
我輩何心爭鶩粒人生到處有魚羹
何時握手孤山路共折梅花醉月明

和尹權宰見訪韻

牛下高眠扣角歌
轡金裾翠重相過
江湖十載知心少
風雨一庭愁思多
君向青雲騰驥足
我甘白髮老漁蓑
茅簷剪燭更酌酒
人世歡娛能幾何

和黎簿韻 月岡

月佩雲冠白雪纓
枳花香裏見詩人
武城半載嘗聞政
洛社他年償卜鄰
四海人皆知鑿齒
一簣誰復識玄真
斯文共締千年好
杯酒歡娛迹總陳

賀黎耐交建經史閣

芹宮地屬淳熙祖
芸閣功成四世孫
千載詩書元氣在
百年文獻故家存
卷還贈券珍公帑
留取芳名榜聖門
當道宗工鳳樓手
擬干椽筆刻璵璠

餞陳柳邊權惠陽教

豪氣元龍習未除
扁舟撐月過豐湖
飯雖不足猶携鶴
累既無多合載書
野客慣曾憐鄭老
諸公何敢薄相如
江湖交舊如垂問
為道哀顏只故吾

挽趙北山 善鑿

嬰緯孤忠泣黍離
吟形如鶴不勝衣
參苓信美難供病
松菊猶存欠賦歸
魂夢三千餘里遠
功名四十九年非
北山猿鶴多悽愴
獨對梅花淚暗揮

避地山中和楊推夜寒韻二首

山藏皇恐色溪訢不平聲
落葉啼猿怨危枝宿鳥驚
林疎風四面霜冷月三更
酒醒愁無寐燒松炙到明
浮生等萍汎前事總花虛
橘外訪四皓林間逢二疏
溪山

數茅屋天地一蘧廬怕有桃源路相期更卜居

別和明府歸帥省蜀人

江山如昨日人物已晨星往事風前絮浮生水上萍別離
頭半白邂逅眼終青客子愁如醉曉風吹未醒
幾度賦停雲重逢瘴海濱已成三載別猶是舊時貧酒量
病來減詩情老更新慙懃分袂意折盡柳條春

和朱水鄉韻

已落淵明後歸歟寂寞濱舊交松處士新寵竹夫人詩國
尊齊晉仙溪隔鼎辰南柯還是夢螻蟻自君臣
江湖雙鬢短風雨一燈孤買酒初嘗艾抄詩細截蒲織耕
同德曜編簡對韓符怕有傷時句磨教稜角無
何處著詩豪白雲高更高山中別天地門外自波濤夜雨

荒園菊春風媚觀桃歸來懷故宇招隱愧離騷
一我獨栖栖相逢又解携驚魚依亂藻忙燕壘新泥亦有
種桃者獨無芳草分買舟欲乘興風雨黯前溪

餞陳匪峯之濂泉

桃源渺何處夢短到家難不辨一丘費猶為九品官鶴嫌
新俸薄鷗鷺舊盟寒附翼攀鱗事書生不敢干

重九宴陳東湖亭

詩成歡未盡月下客重來清影共千里寒香更一杯龍山
秋寂寞牛渚夜徘徊飲待東方白人生能幾回

和文文溪慶徐固峯六十得子韻

惠州人

明珠生老蚌光彩射西湖歲晚穎方實春榮木不枯卿兒
是麟否陵母夢雲無他日浣花老騎驢索醉扶

題竹隱梅外二先生祠堂

一瓣瞻祠像形癯道自腴衣冠千載事功力廿篇書老竹
秦四皓寒梅漢二疏紛紛麟閣畫章服畧猴狙

挽陳東湖

諸公凋謝盡此老魯靈光筆硯生涯舊詩書福澤長春園
名獨樂秋圃賦寒香誰續斯文脈元方與季方

東湖地百弓左柳右芙蓉老屋三間月童顏七十翁曉涼
快吟屢晚霽醉漁蓬一夜西風恹池荷不敢紅

吾善養吾存衡茅道更尊書聲響三世詩派禪諸孫今古
自秦晉山林有綺園臨風涕如雨一此試招魂

邯鄲塵亭覺歸卧讀書林投老菊三徑憂時雪一簪魚安
知我樂鷗自識翁心已矣鍾期死眼前誰賞音

李月野舍傍之李花於梅時郡齋有詩因次其韻

李花不減梅花白閒與梅花爭幾回惟有暗香疎影句承
當不下讓還梅

李花久慕梅清潔取友於梅結已知不足爭春逞年少祇
嫌桃杏帶妖姿

懷梅水村十絕用張小山韻

人生南北浮萍耳四海九州都是家畢竟男兒心似鐵莫
將愁淚浣梅花

十年騎鶴夢悠悠天地無情白髮愁歸到咸陽還似客幾
回腸斷望并州

小山山人荷為衣松梅為屋竹為籬簷花細雨青燈句獨
憶鄭老同襟期

紙衾如水夢難成抱膝燈前讀北征懊恨鴈來無箇字海
雲千里雨溟溟

暮秋已誤張郎約冬暮歸期又未成趁取歲前到家好春
來怕有杜鵑聲

夢入羅浮歸興崧回程約莫到閩中何當醉酒迎馬首先
生莫負琉璃鍾

梅花集裏識真梅曾讀梅花倡子來四海交遊君倒指江
南只有賀方回

銀鈎鐵畫憶珍題筆法精神逼會稽可是荊州佳子弟爭
憐野鷺厭家雞

鄰牆砧杵送秋聲雲掩香幃六曲屏燈下回文題未就梅
花明月一床冰

君行千里無幾微六見月掛珊瑚枝山猿野鶴俱無恙獨
有梅花欠數詩

再用前韻集句

我思君處君思我東坡一掬歸心未到家惠洪相見或因

中夜夢羅鄴孤燈何事獨成花東坡

思君天濶水悠悠黃後醉裏眉攢萬國愁山谷所不負予

如此酒秋厓已教從事到青州東坡

蔬飯藜床破衲衣東坡經年兀兀槿花籬秋厓與君聚散

若雲雨東坡君問歸期未有期杜牧

聞道騎鯨遊汗漫東坡寄書因見鴈南征王介甫他年一舸

鷓鴣去東坡莫羨搏風起北溟王介甫

相思一夜梅花發玉川吟破離心句不成荀鶴橫玉叫雲

清似水崔灑夜鐘殘月鴈歸聲高適

千里萬里西復東鄭谷山川長在淚痕中介甫何當共剪

西牕燭杜牧一曲琵琶酒一鍾山谷

少年心壯輕為客杜牧不寄梅花遠信來東坡為見行舟

試借問王維看花出約幾時回陳翁

何所獨無芳草兮屈原歸田有計一何稽六一吾儕流落

豈無意東坡俯仰天地身醞雞少陵

草根何處不蟲聲方岳燈火昏昏獨掩屏放翁有約不來

過夜半樂天煮茶敲碎一池冰趙德麟

忽憶故人天外去樂天感君贈我瓊瑤枝誠齋世間好句

無人共東坡郎罷吟詩困和詩平齋

挽李自玉

安樂窩中寄幅巾床頭易註墨猶新蓋棺只着深衣去疑

是堯夫輩行人

宗主文盟護梓桑春風一手種甘棠莫時移近坡翁墓留

取清名伴菊香

百年心事兩眉頭生死閭閻繫戚休浩蕩中流無砥柱乘

風漲浪舞鯨鯢

鑿至猶言疾可為酸風吹訃落茅茨典型諸老凋零盡一

束生芻兩涕垂

南康縣圃賞梨花呈長官

種花之暇點春芳把酒花邊試洗粧差勝當年潘令尹空

載桃李滿河陽

點綠粧紅千萬般薰桃染柳更蒸蘭梨花也費東風力九

十日春無點閑
霜玉肌膚冰雪魂
春風庭院月黃昏
兒曹不解吟翁意
無雨無風也閉門
李俗桃麤不用評
梅花之後此花清
喚醒山谷商量過
差替山礬做弟兄

贈黃槐谷 善風鑒五星

我坐詩窮子術窮
只堪雨笠與烟篷
牢收相法無人問
路上相逢盡相公
上下乾坤亂失經
禍淫福善事冥冥
老天自是無分曉
更向癡人說五星

挽鄧南山

洛社耆英久隱居
書田付與子孫鋤
終南不是功名徑
說着功名俗了渠
老子平生不好諛
莫教猿鶴費分疎
只消題作南山墓
種竹一庭梅百株

題雲岫半閒堂用李涉韻

一塢白雲茅數間
歸與釣水採於山
寄聲靈徹休相笑
未必僧閑似我閑
卧月眠雲屋半閒
詩人到處是家山
當年悔弄君房筆
只得忙中一半閑

贈相士陳神眼

憶昔初逢神眼時
已於未第便相期
不嫌屋矮重來訪
宦况蕭然且贈詩

題月巖

千年老桂影婆娑一半銀蟾掛碧蘿大抵人間天上事團圓時少缺時多

戲題睡屏

一別相如直至今床頭綠綺暗生塵當年自是文君誤未必琴心解挑人

點檢殘枰未了棋才貪著處轉成低一畝輸後惺惺了記取從前當局迷

翻覆于郎錦笥看紅邊墨跡未曾乾宮中怨女今無幾那得新詩到世間

秋水盈盈嬌眼溜春山淡淡黛眉輕人間一段真描畫喚起王維寫不成

吟社遞至詩卷足十四韻以荅之為梅水村發也

鐵石其心腸冰雪其襟胸晨陪玉輦遊夕墮瘴海東
蕭艾穢羣芳草木紛零落梅花我輩人例合東高閣
紫微號舍人紅荔名郎官梅花隱君子未可一樣觀
無詩對梅羞詩成梅花開梅自工於詩歐九却識梅
霜凋雪剝餘萬卉生意動梅花讓羣芳回思春風供
欲花未花時此妙無人知著花已多事更為花吟詩
子猷癖愛竹無夢到香影雪夜棹匆匆未必有詩興
香魂逐逋去翠羽招不還醉倒趙師雄一身花影寒
我愛梅花清梅花憐我癯寧為寒東野毋為渴相如
對梅日一醉無酒如梅何塵世獨醒人卑之母甚高
水月一聯詩桃杏不敢近卷錦歸之梅梅花無可遜
無費謁梅花一詩我破戒春風如打勘具有案卷在

梅花老山林思與天下芳瓊花差清白薦之守維揚
懷哉丈人行四海空交游桃李不識面一生慕荊州

南山賞梅分韻得觀字

老梅百窠霸騷壇崢嶸鐵骨傲歲寒千枝萬枝凍欲槁一
花兩花春尚慳愁聞羌雛吼玉笛羞見公子馱金鞍芳魂
久嫁逋仙去怨雲恨雨迷孤山憔悴獨醒者納交惟芷蘭
江南窮詩人鄙哉弟山礬甚而含毫吮墨之俗子或比之
粉面之何郎玉肌之阿環梅花酷怕渠點澆所以未破冰
雪顏與其玉堂兮金屋孰若竹籬茅舍幽且閑與其狀元
兮宰相孰若收香斂華林壑間逆知梅意同我意詩人合
作如是觀

贈相士桂月巖

昔有道人張巖雷口不言錢似王衍却言姓錢不姓張滑
稽玩世名猶香昔有巖雷今月巖月眼神舌和天談江湖
賸結貴人知雖不愛錢猶愛詩

生朝觴客即席用韻九月十七

西風吹客浮仙槎萬斛詩香散幽遐瓊裾翠裳佩九霄賜
我羔酒龍團茶剪錦飛落山人家黃絹幼婦無以加哀賤
何足辱齒牙相看白髮羞黃花西山薇蕨東陵瓜前村烟
雨黃犢車共嚼秋芳咀春華茅齋飲盡鄰可賒

南山亭吟梅用韻

玉輦瑤車具飄飄銀臺路羣姬擁蓋羽太真衣縞素夜宴
瓊花圃玉郎騎鶴赴翠衣凍欲仆芳信誰傳付無夢高唐
賦酒闌散香霧

和同社餞梅

花開春意動花謝春意靜
逋仙餘詩魂夢斷孤山境
飄零萬斛香冷落一枝影
玉笛聲聲愁月浸闌干
冷吟翁餞梅行詩句真雋
永持螯醉酒船呼童滌茶
皿欲調宰相羹且歸狀元
嶺離騷不知音激楚鄙鄢
郢惟有廣平翁心腸鐵石
勁無花實更奇此意要人
領桃李兒女曹眼底紛蛙
井酒醒動微吟心下快活
省

和李梅南見寄十四韻

公歸乎山中袖藏經濟策
恨不雲龍遊相從老樵石
樵溪釀泉甘樵谷嘉禾殖
詩壘壓劉曹酒國并魯越
與其千戶侯何如千畝漆
文星耿在目龍門分咫尺
天風墮珠璣捧玩手不釋
斧鉞太森嚴句法尤峭拔
奈何士也賤至寶道閒愁
惱吟腸義利自為敵相逢
開口笑無怨亦無德

遊漁泉

星巖高哉不知其幾千丈
分下有儒宮上接青雲梯
綠凹鑿破冰泉冽泉以漁
名宗漁溪漁翁去今凡幾
載一脈流通無窒礙光風
霽月此山中景物因人成
勝槩亭翼翼水泠泠一清
不著點子塵眼前色色俱
呈露何必解蘭縛塵纓君
不見孤山六一泉硯州包
公井君子之澤深且長清
風千古霜凜凜我欲采薇
隱此山祇恐林慙澗惡鎖
松關我欲祠下筆一詞又
恐寒泉痛洗凝之詩解襟
坐石濯清冷一軟寒冰和
露飲雪我酒腸霜詩脾此
身疑在神仙境倩君為問
玉皇借玉鞭鞭起睡龍騎
上天持此一瓢漁翁

泉一雨炎荒洗蠻烟

陸戶有樗蒲之招詩以答之

局促束縮抱羈獨頽然一我慙分俗酒病昏沉無詩醫詩
腸枯槁欠酒沃閒窓坐與周公文焚香痛把楚騷讀世情
冷煖故人疎笑殺和靖鰲頭縮夜長燈明弔影孤無情紅
粉不可呼夢中猛省京華事圍紅擁翠邀博徒銀燭高燒
海棠暖醉豪一唱雉成盧羸却翠裘六郎恨丈夫此樂天
下無君不見劉毅家四壁百萬祇一擲袁耽少不羈破帽
懷相隨逢場作戲政不惡大抵人生樂其樂

古端飲問梅亭作

把酒問梅開未開梅花問我何時來嫣然一笑醒塵夢
我詩興寬酒懷有梅無詩酒懷惡有詩無酒羈味薄一觴

一咏暢幽情人生須作及時樂去年嶺頭曾相逢花邊醺
酒酌師雄霜月三更天似水枝頭翠鳥睡正濃今年寒淺
花較遲一花兩花時最奇春多爛熳無意思此意梅花知
不知孤山寂寞逋仙去香影之後更無句幾回擬作梅花
騷無力其如梅花何懷哉此花丈人行冰清玉潔不做時
妝樣紛紛桃李嫁春風臭味未必與我同莫說和羹事和
羹事猶未莫羨玉堂人玉堂人已陳細把心期向梅說花
開花落有時節

和同社酒邊韻

規規為愚傲為穎晨華夕喪何足逞對山悠然此心領誰
歌白雪妙於郢題破蜀牋為紅杏晝遊苦短燭堪秉愧我
寒蛭嘒如哽墮身千仞求長綆移文鷗社盟莫冷共嚼梅

花醉香影

重九即席點韻

淵明我輩人豈為口體累歸歟三逕秋清吟發幽寄醒眼
對黃花陶然已心醉世俗兒女情飲菊萸繫臂長房果神
仙登高未為智落帽狂參軍聲利窮所嗜興來盡君歡得
句輸杜二牛山淚沾衣鄙哉馬千駟悠然千載吟高韻未
易次人生聚幾何此意非酒為徜徉林壑遊磊落湖海義
明年此會日老健天所賜

和李梅南對梅韻

三花雨花疎籬東玉堂何似茅舍中孤芳不受春風浣千
紅萬紫俱下風羅浮夢斷孤山杳寂寂誰躡二子踪謫仙
天人霸梅國騷壇萬仞奴羣雄我交梅花二十冬梅工於
詩例合窮我窮於梅詩更拙豈無膏沐誰為容湘纍醒眼
不相識蘭芷未必臭味同何時典衣買酒醉梅下澆我磊
落寫我悰詩成閣筆對梅笑此一瓣香為梅翁

即席點韻賦方硯

一片端溪雲至寶俗眼驚體方而質剛翰林叨寵榮楮君
同出處松侯難弟兄紫肝馬膚潤綠暈鵠眼明自笑謫仙
狂曾倩妃子擎我愛清廟瑟人吹高門笙龍尾與鳳珠圓
巧相逢迎吾友管城公奚假乎猩猩留此鎮山房移文鷗
鷺盟好方已成癖馬用圓為卿

餞實齋趨朝 廣帥劉應龍

四海人物如晨星老成典型公一人秋月玉壺光皎皎飛
鸞不駭翔八表寒花晚節紛其香春風筆底多甘棠景定

東南民力竭天畀福星照南粵盡洗蠻煙瘴雨塵藥洲草木欣然春至今民拜寬分賜古有今無此廉吏清風去後
崇臺臺前度劉郎又復來閩府清明民快活滿腔子仁活
滌滌一十四州生意多海鰲不動紅牙高治平奏最居第
一生平受用惟一實一朝徵入作侍郎晉陞邃閣侍華光
國家多難予誰與嗣王小寇新求助矧今耆俊莫如公泰
內君子上下同大用之機其在此周公冢宰毋專美不然
成王方幼冲何為衮衣赤鳥先歸東送公此行登鼎席南
豐辦香此昕夕他時英俊館翹材桃樹應思去後栽



書